

大毘婆沙論

七十一之一
七十五

滿

C40
4514
145



170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

C40-4514

了翁座諸大戲及晉
家書置之武州紫雲山
我微矣塔院廬中大
為學者不敢許出喉內
當山三世鐵牛機謹誌



B 64863

阿毗達磨大毗婆沙論卷第七十一

五百大阿羅漢等造

唐三藏法師玄奘奉詔譯

結蘊第二中十門納息第四之一

二十二根乃至九十八隨眠如是四十二章及解章
義既領會已應廣分別二十二根者謂眼根耳根鼻
根舌根身根女根男根命根意根樂根苦根喜根憂
根捨根信根精進根念根定根慧根未知當知根已
知根具知根此廣分別如後根蘊根納息中十八界
者謂眼界色界眼識界耳界聲界耳識界鼻界香界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

鼻識界舌界味界舌識界身界觸界身識界意界法
界意識界此界契經亦名略說亦名廣說名略說者
對大記經如大譬喻大涅槃等名廣說者對處契經
彼處契經亦名略說亦名廣說名略說者對界契經
名廣說者對蘊契經彼蘊契經亦名略說亦名廣說
名略說者對處契經名廣說者對諸所有受皆是苦
等經彼諸所有受皆是苦等經但名略說不名廣說
有作是說此界契經等亦名略說亦名廣說卽依自
說不對餘經謂界經中廣說色心略說心所故彼處
契經亦名略說亦名廣說卽依自說不對餘經謂處

經中廣說色略說心心所故彼蘊契經亦名略說亦
名廣說卽依自說不對餘經謂蘊經中廣說心所略
說色心故彼諸所有受皆是苦契經但名略說不名
廣說復有說者此界契經名爲廣說亦攝一切法彼
大譬喻大涅槃等經雖名廣說而不攝一切法彼處
契經雖攝一切法而非廣說是處中說故彼蘊契經
不名廣說是略說故亦不攝一切法但攝有爲非無
爲故彼諸所有受皆是苦等經不名廣說是極略說
故於中亦有攝一切法者如說諸法空無我等有餘
師說更無略說契經如世尊說施有二種一者法施

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

二者財施經等更無廣說契經如大譬喻大涅槃經等如是諸說雖各有義然佛世尊於所知境先廣說後作略說謂於所知境先廣說十八界後即於此略說爲十二處復即於此除無爲法略說爲五蘊是名世尊廣略說法即依如是廣略說法佛告尊者舍利子言我於法寶能廣略說而能解者甚爲難得復依如是廣略說法尊者舍利子白佛言世尊惟願如來廣略說法此定當有解法寶者於如是事應作譬喻如海龍王久處大海增長威勢上昇虛空興布大雲遍覆空界掣電冕曜震大雷音普告世間我當霆

雨一切藥草卉木叢林聞如是聲皆大驚懼咸作是念此大龍王處大海中久增威勢今若霪雨未有息期我等皆當定爲漂沒爾時大地聞如是聲心不驚疑面無異色虛懷仰請海龍王言惟願恣情降霖大雨過百千歲我悉能受世尊亦爾曾於過去釋迦牟尼帝幢寶髻然燈勝觀乃至最後迦葉波佛所增長福德智慧資糧昇有餘依涅槃空界與大悲雲遍覆世間發勝慧電普照一切震空非我無畏雷音遍告所化舍利子等我於法寶能廣略說而能解者甚爲難得時諸所化除舍利子聞佛此言皆生怯懼咸作

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是念佛得如是昔所未得名句文身爲我等說恐不能解惟舍利子六十劫中增長智見猛利圓滿猶如大地聞佛此言心不驚疑面無異色能無所畏而請佛言唯願如來廣略說法此定當有解法寶者問亦應有法非諸聲聞獨覺境界彼舍利子何緣無畏作如是請答彼唯請佛聲聞所知非佛所知聲聞境界非佛境界聲聞所行非佛所行聲聞根所及非佛根所及故不違理復次知佛開許故作是請謂舍利子作如是念世尊慈悲諸所說法必應稱量定有饒益要於田器而雨法雨所雨法雨終不唐捐諸所發言必依法器若非法器終不發言世尊旣知我有爾所堪受法器作如是言故知世尊開許我請是故尊者請佛無畏問佛爲何等所化有情說蘊處界廣略三法答佛隨所化所愚而說謂愚於界者爲說十八界若愚於處者爲說十二處若愚於蘊者爲說五蘊復次世尊所化略有三種一初習業二已串修三超作意初習業者爲說十八界已串修者爲說十二處超作意者爲說五蘊復次世尊所化有三種根謂鈍中利爲鈍根者說十八界爲中根者說十二處爲利根者說五蘊復次世尊所化有三種智一者開智二者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

說智三者引智爲開智者說五蘊爲說智者說十二處爲引智者說十八界復次世尊所化有三種樂謂廣中略爲樂廣者說十八界爲樂中者說十二處爲樂略者說五蘊復次世尊所化有三橋逸一恃姓橋逸二恃財橋逸三恃命橋逸恃姓橋逸者爲說十八界謂族姓義是界義種類貴賤無差別故恃財橋逸者爲說十二處謂生門義是處義隨有所生尋散盡故恃命橋逸者爲說五蘊謂積聚義是蘊義有爲積聚尋散滅故復次世尊所化有三種愚一者愚色心二者愚於色三者愚心所愚色心者爲說十八界於此界中廣說色心略說心所故愚於色者爲說十二處於此處中廣說色心所故愚心所者爲說五蘊於此蘊中廣說心所略說色心故復次爲計我者說十八界謂一身中有多界別無一少故爲愚所依及所緣者說十二處謂分別識有六分依六所緣故爲我慢者說五蘊謂身惟有生滅五蘊不應恃怙起我慢故佛爲此等所化有情說蘊處外廣略三法問此十八界名有十八實體有幾答此界實體或有十七或有十二若說六識便失意界離六識身無別意界故十八界名有十八實體十七若說意界便失

卷之二
經文
此中廣說色心略說心所故愚於色者爲說十二處於此處中廣說色心所故愚心所者爲說五蘊於此蘊中廣說心所略說色心故復次爲計我者說十八界謂一身中有多界別無一少故爲愚所依及所緣者說十二處謂分別識有六分依六所緣故爲我慢者說五蘊謂身惟有生滅五蘊不應恃怙起我慢故佛爲此等所化有情說蘊處外廣略三法問此十八界名有十八實體有幾答此界實體或有十七或有十二若說六識便失意界離六識身無別意界故十八界名有十八實體十七若說意界便失

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

六識離此意界無別六識故十八界名有十八實體十二如名與體名施設體施設名異相體異相名異性體異性名差別體差別名建立體建立名覺體覺應知亦爾問若十八界名有十八體或十七或十二者云何建立十八界耶答以三事故建立十八一以所依二以能依三以境界以所依故建立六內界謂眼界乃至意界以能依故立六識界謂眼識界乃至意識界以境界故立六外界謂色界乃至法界問若以所依能依境界各有六故立十八界有差別者諸阿羅漢最後念心應非意界依彼不能生後識故答彼亦是意界依彼不能生後識者非彼爲障但餘緣障故後識不起設後起者亦作所依如有餘緣不生芽等豈沃壤地非芽等依此十八界過去未來現在皆具問過去可有此十八界以六識身無間已滅名意界故未來現在如何亦有十八界耶答此十八界依相而立三世各有十八界相若未來現在識無意界未有現在過去亦應不立此既得立意界應然答等無間緣依用而立未來未有等無間法故不可立等無間緣設立於誰有此緣用此十八界依相而立未

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

來雖無識所依用而已有識可立所依故此與彼不可爲例諸阿羅漢最後念心雖非等無間緣而是意界准此應知餘契經中世尊自說惡叉聚喻說此喻已告諸苾芻有情身中有多界性彼亦攝在此十八界所依能依境界攝故又佛於彼多界經中說界差別有六十二彼亦攝在此十八界卽所依三事攝故問何故世尊爲衆說彼六十二界答爲外道身見爲本有六十二見趣別故又世尊告天帝釋言僕戶迦當知世有種種界隨各所想而各執著隨各執著而各說之各言此實餘皆愚妄彼亦攝在此十八

界卽所依等三事攝故有作是說彼經諸見以界聲說皆惟攝在此法界中尊者左受作如是說以四事故立十八界一自性故二所作故三能作故四蘊差別故以自性故建立色界乃至法界以所作故建立眼識界乃至意識界以能作故建立眼界乃至意界以蘊差別故建立十八界謂色蘊差別建立十界一界少分識蘊差別建立七心界三蘊攝在一法界中如是名爲諸界自性我物自體相分本性已說界自性所以今當說問何故名界界是何義答種族義是界義段義分義片義異相義不相似義分齊義是界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

義種種因義是界義聲論者說馳流故名界住持故
名界長養故名界應知此中種族義是界義者如一
山中有多種族謂金銀銅鐵白鑑鉛錫丹青等石白
墡土等異類種族如是於一相續身中有十八界異
類種族段義是界義者如有次第安布段物得種種
名謂次第安布材木等段名爲宮殿臺觀舍等次第
安布餘甘子等段名阿摩洛迦次第安布竹箋等段
名蓋扇等次第安布骨肉等段名男女等如是次第
安布眼等十八界段名爲有情摩納婆等分義是界
義者謂男身中有十八分女等亦爾卽十八界片義
走界義者謂男身中有十八片女等亦爾卽十八界
異相義是界義者謂眼界相異乃至意識界相異不
相似義是界義者謂眼界不似餘界乃至意識界不
似餘界分齊義是界義者謂眼界分齊異餘十七界
乃至意識界分齊異餘十七界種種因義是界義者
謂因此故有眼界非卽因此乃至有意識界乃至因
此故有意識界非卽因此乃至有意識界聲論者說馳
流故名界者謂此諸界馳流三界五趣四生輪轉生
死住持故名界者謂此諸界住持自性長養故名界
者謂此諸界長養他性是故種族義是界義乃至長

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

養故名爲界已總說界立名所因今當一一別說其
相問眼界云何答諸眼於色已正當見及彼同分是
名眼界已見色者謂過去眼正見色者謂現在眼當
見色者謂未來眼及彼同分者此國諸師說有四種
一者過去彼同分眼謂眼界不見色已減二者現在
彼同分眼謂眼界不見色正減三者未來彼同分眼
謂眼界不見色當減四者未來畢竟不生眼界外國
諸師說有五種三如前說未來畢竟不生眼界分爲
二種一有識屬眼界二無識屬眼界舊外國師同此
國說舊此國師同外國說諸見色眼於自有情名同
分眼於餘有情亦名同分諸不見色眼於自有情名
彼同分眼於餘有情亦名彼同分有作是說諸見色
眼於自有情名同分眼於餘有情名彼同分諸不見
色眼於自有情名彼同分眼於餘有情亦名彼同分
復有說者諸見色眼於自有情名同分眼於餘有情
非同分亦非彼同分諸不見色眼於自有情名彼同
分眼於餘有情非同分亦非彼同分彼不應作是說
云何有眼而非同分非彼同分應作是說於三說中
初說應理問豈用他眼能見色耶答誰說能用他眼
見色問若無能用他眼見色如何有情自見色眼於

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

餘有情亦名同分答以有用眼根恒定故眼界用者謂能見色如眼於色有用已滅說爲同分於自於他此同分名恒無改轉雖無能用他眼見色而有用眼恒名同分正滅當滅應知亦爾問同分眼能見色彼同分眼不能見色云何見色眼是不見色眼之同分不見色眼是彼見色眼之同分耶答彼此二眼互爲因故謂見色眼與不見色眼爲因不見色眼亦與見色眼爲因復次彼此二眼互相生見色眼復次彼此二眼不見色眼不見色眼復能生見色眼復次彼此二眼互相引故謂見色眼能引不見色眼不見色眼復能引見色眼復次彼此二眼互相轉故謂見色眼能轉不見色眼不見色眼復能轉見色眼復次彼此二眼互相續故謂見色眼能續不見色眼不見色眼復能續見色眼復次見色眼與不見色眼俱一界攝俱一處攝俱一根攝同一見性故見色眼是不見色眼之同分不見色眼復是彼見色眼之同分如眼界耳鼻舌身界亦爾同分彼同分品類差別皆相似故問色界云何答諸色爲眼已正當見及彼同分是名色界已所見者謂過去色正所見者謂現在色當所見者謂未來色及彼同分者謂有四種彼同分色一者過

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

去彼同分色謂色界不爲眼所見已滅二者現在彼同分色謂色界不爲眼所見當滅四者未來畢竟彼同分色謂色界不爲眼所見當滅四者未來畢竟不生色界或有色界於一有情是同分於二三四乃至百千諸有情等亦是同分謂此色界是一有情眼所見亦是二三四乃至百千諸有情等眼所見故如百千人同觀初月然此色界於諸緣彼生眼識者名同分於不緣彼生眼識者名彼同分又如衆中有一妓女形容端正衆具莊嚴諸有緣之起眼識者彼色界名同分諸有不緣起眼識者卽彼色界名彼同分又如法

師昇座說法言辭清辯形貌端嚴諸有緣之起眼識者彼色界名同分諸有不緣起眼識者卽彼色界名彼同分或有色界於一有情名彼同分於二三四乃至百千諸有情等亦名彼同分謂彼色界在隱映處無量有情不能見故或有色界一切有情眼所不見卽彼色界於一切時名彼同分如妙高山中心之色及大地中大海下色一切有情無有見者問彼色豈非天眼境界答彼色雖是天眼境界而無用故此不觀之復次非一切時天眼現起故有彼色天眼不見問彼色豈非佛眼境界答彼色雖是佛眼境界而無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

用故佛不觀之復次非一切時有佛出世如今無佛既無佛眼故有彼色非佛眼見問何故見色眼於自
有情名同分於餘有情亦名同分而所見色於見者
名同分於不見者名彼同分耶答容一色界多有情
見無一眼界二有情用故謂有色界一有情見容二
三四乃至百千有情亦見是共見故諸有見者此色
界於彼名同分諸不見者此色界於彼名彼同分無
一眼界二有情用況多有情是不共故諸用此眼能
見色者此眼於彼名同分諸餘有情眼若見色若不
見色此眼於彼亦名有作用眼既是不共於一切時

相恒定故如色界聲香味觸界亦爾同分彼同分品
類差別皆相似故然於此義或有欲令惟艱普覺各
自身中諸香味觸彼作是說香味觸界依世俗理如
色界說謂諸世間作如是語汝所艱香我等亦艱汝
所嘗味我等亦嘗汝所覺觸我等亦覺依勝義理香
味觸界如眼界說謂一有情所艱香界餘不能艱若
一有情所嘗味界餘不能嘗若一有情所覺觸界餘
不能覺問若一觸界二有情身各在一邊共所逼觸
豈非勝義如色界說答如是觸界有多極微和集一
處二身逼觸各得一邊無共得者故勝義理如眼界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

說香味二界准此應知復有欲令亦艱嘗覺他及非
 情諸香味觸彼作是說香味觸界若已受用及受用
 時依世俗理如色界說謂諸世間說共得故依勝義
 理如眼界說一所受用餘不得故若未受用香味觸
 界依勝義理亦有共得如色界說義謂在未來當至
 現在有多人等共得義故若依前義應作是說香味
 觸界依勝義理如色界說依勝義理如眼界說若依
 後義應作是說香味觸界若已受用及受用時依世
 俗理如色界說依勝義理如眼界說若未受用依勝
 義理亦可得言如色界說是故諸論皆作是說如色
 界聲香味觸界亦爾以香味觸可共得故問眼識界
 云何答眼及色爲緣所生眼識是名眼識界問眼識
 生時除自性餘一切法皆作緣何故但眼色爲緣答
 此中且說增勝緣故謂若法是眼識所依所緣者此
 中說之眼是眼識所依色是眼識所緣是故偏說餘
 法不爾復次若法是眼識近增上緣者此中說之眼
 及色與眼識作近增上緣勝眼識上生住異滅是故偏說
 偏說復次若法是眼識不共勝緣者此中說之眼及
 色與眼識作不共勝緣勝眼識生住異滅是故偏說
 問眼識亦以色爲緣生何故名眼識不名色識耶答

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

亦有經說此名色識如說色界爲緣生色識乃至法界爲緣生法識問但有一經作如是說餘一切經皆說眼識如何不說名色識耶答眼是內故但名眼識色是外故不名色識復次眼是所依故但名眼識色是所緣故不名色識復次眼是根故但名眼識色是根義故不名色識復次眼是有境故但名眼識色是境故不名色識復次眼是不共故但名眼識色是共故不名色識復次諸立名者皆就所依顯所立名有差別故眼是識所依根故但名眼識乃至意是意識所依根故但名意識如聲惟就所依立名顯所立名有差別故如依鼓起但名鼓聲若依貝起但名貝聲依箜篌等應知亦爾問眼等六識皆依意生何緣前五不名意識答若法是識不雜不共不亂所依識名依彼眼是眼識不雜不共不亂所依故名眼識廣說乃至身是身識不雜不共不亂所依故名身識意是五識雜共亂依是故前五不名意識問若爾意識亦應不說名意識耶答意識更無不雜不共不亂所依有法是眼識所依非等無間緣謂俱生眼有法是眼識等無間緣非所依謂無間已滅諸心所法有法是

論
一
大比丘僧會記卷十一
古
四
論
一
東京大学総合図書館所蔵

依鼓起但名鼓聲若依貝起但名貝聲依箜篌等應知亦爾問眼等六識皆依意生何緣前五不名意識答若法是識不雜不共不亂所依識名依彼眼是眼識不雜不共不亂所依故名眼識廣說乃至身是身識不雜不共不亂所依故名身識意是五識雜共亂依是故前五不名意識問若爾意識亦應不說名意識耶答意識更無不雜不共不亂所依有法是眼識所依非等無間緣謂俱生眼有法是眼識等無間緣非所依謂無間已滅諸心所法有法是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

眼識所依亦是等無間緣謂無間已滅意界有法非
 眼識所依亦非等無間緣謂除前相乃至身識四句
 亦爾若法是意識所依亦是等無間緣有法是意識
 等無間緣而非所依謂無間已滅諸心所法尊者世
 友亦作是說眼識亦以色爲緣生何緣眼識不名色
 識答眼是眼識所依色不爾故復次眼是眼識勝緣
 色不爾故復次眼惟墮自相續色不定復次眼惟在
 近色不定故復次眼惟有執受色不定故復次眼是不
 共色不爾故復次眼惟有執受色不定故復次眼有
 損益識隨損益色不爾故問色若有損益識亦隨損
 益若無色者眼識不生亦應名色識何緣但說名眼
 識耶答此不應例所以者何有眼根者雖一色壞更
 緣餘色眼識可生若無眼根雖有多色恒現在轉眼
 識不生是故眼識損益隨根不隨於色復次眼有下
 中上識隨下中上色不爾故復次眼是不共色不定
 故有緣一界色生二界眼識無依一界眼生二界眼
 識故有緣一趣色生五趣眼識無依一趣眼生二趣
 眼識況有多故有緣一生色生四生眼識無依一生
 眼生二生眼識況有多故復次眼是眼識勝增上緣
 色不爾故大德說曰若眼有畱難識亦有畱難若眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無畱難識亦無畱難故名眼識不名色識問若色有
畱難眼識亦有畱難無所緣色眼識不生故答色有
衆多眼惟有一不應爲例謂若有眼雖一色壞而緣
第二眼識得生若第二壞緣第三色眼識得生餘壞
緣餘生識亦爾若一身中眼根壞者設有無量那庾
多色正現在前緣彼眼識皆不得生是故眼識不名
色識乃至身識應知亦爾問有契經言眼所識色此
有何意諸色但是眼識所識眼根不能了別色故答
彼於所依顯能依事故不違理謂佛世尊或於所依
顯能依事或於能依顯所依事於所依顯能依事者
如彼經言眼所識色於能依顯所依事者如有處說
眼識所受眼識所了說名所見復次彼經應言眼識
所識色誦者錯謬故彼但言眼所識色復次彼經應
言眼識所識色略去中間故但說眼所識色如說牛
車擇滅等故復次彼契經中依勝具說故不違理如
伎染書依勝具說此亦如是如作妓樂時雖有樂具
及諸子女并餘助伴而妓樂王偏得其名是勝具故
又如染衣等時非無水器染師助伴而彼染色偏得
其名是勝具故又如書時非無水墨盛貯墨器及人
葉等而筆勝故偏得其名此亦如是雖識色時有多

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

識具謂空明等而眼勝故偏得其名故彼經說眼所識色復次眼是識色所依止故彼契經言眼所識色如言道路是商侶等所應行處然彼道路但是腳足所應行處彼商侶等是彼腳足所依止故偏得其名此亦如是如眼識界耳鼻舌身識界亦爾緣生立名釋通經義皆相似故問意界云何答諸意於法已正當了及彼同分是名意界已了法者謂過去意界正了法者謂現在意界當了法者謂未來意界及彼同分者謂未來畢竟不生意界無有過去現在意界是彼同分心心所法必託所緣方能起故由此未來當

生意界亦必是同分問意界若緣十七界起是同分不答亦是同分如眼界等有見等用必是同分意界亦爾有了用者卽名同分問法界云何答諸法爲意已正當了是名法界已爲意了者謂諸法界已爲過去意界所了正爲意了者謂諸法界正爲現在意界所了當爲意了者謂諸法界爲意了者謂諸法界已爲過去意界爲有彼同分不答無所以者何以無有法非去來今無量意識所了別故有意識起一剎那中惟除自性相應俱有了別所餘一切法故問餘十七界亦是意識所了別境應皆是同分便無彼同分如何說

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有彼同分耶答餘十七界不依意識立爲同分及彼同分但依各別根境相對謂眼對色色對眼乃至身對觸觸對身問若爾意界及意識界惟應對法界立同分彼同分是則緣餘十七界者應非同分答理應如是然以意界及意識界能通了別一切法故依自作用立爲同分如眼等根有見等用必不立爲彼同分故有餘師說法界總攝一切法盡以十七界亦名法故無斯過失彼不應作是說法名雖通而法界別故由此前說於理爲善此中應作頗設問答頗有俱有法有是同分有是彼同分彼相應心所法及彼隨轉色不相應行法界攝故恒名同分

阿毗達磨大毗婆沙論卷第七十一
音釋

說一切有
一部發智

憎之涉切髻古詣切怖古音切怯乞業切串古患切恃音市
怖也沃壤沃烏離切謂澤也鑑盧合切鉛與專切墮常演
沃壤沃烏離切謂澤也鑑盧合切鉛與專切墮常演
切白箇莫結切鼻櫻氣也錯謬許救切以七各切誤也
盛貯盛時征切受也丁呂切積也

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

浮渡居士吳用先施貲刻此
阿毗達磨大毗婆沙論第七十一卷 計字七
千四百五十八箇該銀三兩七錢三分
銀山釋海亮對長洲徐普書金陵朱家相刻
萬曆乙卯歲夏六月徑山化城識

阿毗達磨大毗婆沙論卷第七十二

五百大阿羅漢等造

唐三藏法師玄奘奉詔譯

結蘊第二中十門納息第四之二

問意識界云何答意及法爲緣所生意識是名意識
界此中問答分別如眼識界應知問何緣六識界不
說彼同分答應說而不說者當知此義有餘復次六
識界是生所顯依生建立彼同分心是不生故惟說
同分復次六識界是用所顯依用建立彼同分心無
作用故惟說同分復次六識界皆是意界攝已說意

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

界有彼同分應知卽已說六識界故不復說問若爾
不應立六識界此六卽是意界攝故答雖卽意界而
爲建立根境識三各有六故復別說有六識差別問
諸契經中說心意識如是三種差別云何或有說者
無有差別心卽是意意卽是識此三聲別義無異故
如火名火亦名燄頂亦名熾然亦名生明亦名受祀
亦名能熟亦名無路亦名鑽息亦名煙幢亦名金相
如是一火有十種名聲雖有異而體無別如天帝釋
亦名鑠羯羅亦名補爛達羅亦名莫伽梵亦名婆颶
縛亦名橋尸迦亦名設芝夫亦名印達羅亦名千眼
亦名三十三天尊如是一主有十種名聲雖有異而
體無別如對法中說受名受亦名等受亦名別受亦
名覺受亦名受趣如是一受有五種名聲雖有異而
體無別故契經說心意識三聲雖有異而無差別復
有說者心意識三亦有差別謂名卽差別名心名意
名識異故復次世亦差別謂過去名意未來名心現
在名識故復次施設亦有差別謂界中施設心處中
施設意蘊中施設識故復次義亦有差別謂心是種
族義意是生門義識是積聚義復次業亦有差別謂
遠行是心業如有頌言

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

能遠行獨行 無身寐於窟 調伏此心者

解脫大怖畏

前行是意業如有頌言

諸法意前行 意尊意所引

意染淨言作

苦樂如影隨

續生是識業如契經說入母胎時識若無者羯刺藍等不得成就故知續生是識業用復次彩畫是心業如契經說苾芻當知諸傍生趣由心彩畫有種種色歸趣是意業如契經說苾芻當知如是五根各別所行各別境界意根總領受彼所行境界意歸趣彼作

諸事業了別是識業如契經說苾芻當知識能了別種種境事復次滋長是心業思量是意業分別是識業脇尊者言滋長分割是心業思量思惟是意業分別解了是識業應知此中滋長者是有漏心分割者是無漏心思量者是有漏意思惟者是無漏意分別者是有漏識解了者是無漏識心意識三是謂差別問眼色眼識界爲必同繫爲亦有異繫耶答曰如是三種或有同繫或有異繫云何同繫謂生欲界以欲界眼見欲界色時彼欲界眼欲界色生欲界眼識即彼以初靜慮眼見初靜慮色時彼初靜慮眼初靜慮

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

色生初靜慮眼識若生初靜慮以初靜慮眼見初靜慮色時彼初靜慮眼初靜慮色生初靜慮眼識是名同繫云何異繫謂生欲界以初靜慮眼見欲界色時彼初靜慮眼欲界色生初靜慮眼識卽彼以第二靜慮眼見欲界色時彼第二靜慮眼欲界色生初靜慮眼識見初靜慮眼欲界色時彼第二靜慮眼初靜慮色生初靜慮靜慮眼識見第二靜慮色時彼第二靜慮眼第二靜慮色生初靜慮眼識卽彼以第三靜慮眼見欲界色時彼第三靜慮眼欲界色生初靜慮眼識見初靜慮色時彼第三靜慮眼欲界色生初靜慮眼識見初靜慮眼初靜慮色生初靜慮眼識見第二靜慮眼識見第三靜慮眼第二靜慮色生初靜慮眼識見第三靜慮眼識見第四靜慮眼識卽彼以第四靜慮眼見欲界色時彼第四靜慮眼欲界色生初靜慮眼識見初靜慮色時彼第四靜慮眼初靜慮色生初靜慮眼識見第二靜慮色時彼第四靜慮眼第二靜慮色生初靜慮眼識見第三靜慮眼識見第四靜慮眼第二靜慮眼第四靜慮色生初靜慮眼識若生初靜慮以初靜慮眼見欲界色時彼初靜慮眼欲界色生初靜慮眼識所餘廣

170123456789180123456789190123456789

說如生欲界若生第二第三第四靜慮廣說隨相應
 知頗有異繫眼異繫色生異繫眼識耶答有謂以第
 二靜慮眼見欲界色時彼第二靜慮眼欲界色生初
 靜慮眼識以第三靜慮眼見欲界色時彼第三靜慮
 眼欲界色生初靜慮眼識見第二靜慮色時彼第三
 靜慮眼第二靜慮色生初靜慮眼識以第四靜慮眼
 見欲界色時彼第四靜慮眼欲界色生初靜慮眼識
 見第一靜慮色時彼第四靜慮眼第二靜慮色生初
 靜慮眼識見第三靜慮色時彼第四靜慮眼第三靜
 慮色生初靜慮眼識如是三種各異地繫是謂眼色
 識同繫異繫義問身眼色眼識界爲必同繫爲亦有
 异繫耶答如是四種或有同繫或有異繫云何同繫
 謂生欲界以欲界眼見欲界色時彼欲界身欲界眼
 欲界色生欲界眼識若生初靜慮以初靜慮眼見初
 靜慮色時彼初靜慮身初靜慮眼初靜慮色生初靜
 慮眼識是謂同繫云何異繫謂生欲界以初靜慮眼
 見欲界色時彼欲界身初靜慮眼欲界色生初靜慮
 眼識見初靜慮色時彼欲界身初靜慮眼初靜慮色
 生初靜慮眼識卽彼以第二靜慮眼見欲界色時彼
 欲界身第二靜慮眼欲界色生初靜慮眼識見初靜

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

慮色時彼欲界身第二靜慮眼初靜慮色生初靜慮
 眼識見第二靜慮色時彼欲界身第二靜慮眼第二
 靜慮色生初靜慮眼識卽彼以第三靜慮眼見欲界
 色時彼欲界身第三靜慮眼欲界色生初靜慮眼識
 見初靜慮色時彼欲界身第三靜慮眼初靜慮色生
 初靜慮眼識見第二靜慮色時彼欲界身第三靜慮
 眼第二靜慮色生初靜慮眼識見第三靜慮色時彼
 欲界身第三靜慮眼第三靜慮色生初靜慮眼識卽
 彼以第四靜慮眼見欲界色時彼欲界身第四靜慮
 眼欲界色生初靜慮眼識見初靜慮色時彼欲界身

第四靜慮眼初靜慮色生初靜慮眼識見第二靜慮
 色時彼欲界身第四靜慮眼第二靜慮眼識見第三
 靜慮色見第三靜慮眼第三靜慮色生初靜慮眼第
 四靜慮眼第四靜慮眼識見第四靜慮色時彼欲界身
 第四靜慮眼第四靜慮眼見欲界色時彼初靜慮眼
 識見初靜慮色時彼初靜慮眼第二靜慮眼初靜慮
 色生初靜慮眼識見第二靜慮色時彼初靜慮眼第

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

二靜慮眼第二靜慮色生初靜慮眼識卽彼以第三
靜慮眼見欲界色時彼初靜慮身第三靜慮眼欲界
色生初靜慮眼識見初靜慮色時彼欲界身第三靜
慮眼初靜慮色生初靜慮眼識見第二靜慮色時彼
初靜慮身第三靜慮眼第二靜慮色生初靜慮眼識
見第三靜慮色時彼初靜慮身第三靜慮眼第三靜
慮色生初靜慮眼識卽彼以第四靜慮眼見欲界色
時彼初靜慮身第四靜慮眼欲界色生初靜慮眼識
見初靜慮色時彼初靜慮身第四靜慮眼初靜慮色
生初靜慮眼識見第二靜慮色時彼初靜慮身第四

靜慮眼第二靜慮色生初靜慮眼識見第三靜慮色
時彼初靜慮身第四靜慮眼第三靜慮色生初靜慮
眼識見第四靜慮色時彼初靜慮身第四靜慮眼第
四靜慮色生初靜慮眼識如生初靜慮身第二第三
第四靜慮廣說隨相應知有差別者若生第二靜慮
應一切時說第二靜慮身若生第三靜慮應一切時
說第三靜慮身若生第四靜慮應一切時說第四靜
慮身頗有異繫身異繫眼異繫色生異繫眼識耶答
有謂生欲界以第三靜慮眼見第二靜慮色時彼欲
界身第三靜慮眼第二靜慮色生初靜慮眼識卽彼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

以第四靜慮眼見第二靜慮色時彼欲界身第四靜慮眼第二靜慮色生初靜慮眼識見第三靜慮色時彼欲界身第四靜慮眼第三靜慮色生初靜慮眼識若生第二靜慮以第三靜慮眼見欲界色時彼第二靜慮身第三靜慮眼欲界色生初靜慮眼識卽彼以第四靜慮眼見欲界色時彼第二靜慮身第四靜慮眼欲界色生初靜慮眼識見第三靜慮色時彼第二靜慮身第四靜慮眼第三靜慮色生初靜慮眼識若生第三靜慮以第四靜慮眼見欲界色時彼第三靜慮身第四靜慮眼欲界色生初靜慮眼識見第一靜慮色時彼第三靜慮身第四靜慮眼第二靜慮色生初靜慮眼識如是四種各異地繫是謂身眼色識同繫異繫義如說眼界色界眼識界及與身同繫異繫如是耳界聲界耳識界及與身同繫異繫廣說隨相應知問鼻香鼻識界爲必同繫爲亦有異繫耶答如是三種惟有同繫謂欲界鼻欲界香生欲界鼻識雖有餘繫鼻而無香鼻識故此不說問身鼻香鼻識界爲必同繫爲亦有異繫耶答如是四種惟有同繫謂欲界身欲界鼻欲界香生欲界鼻識雖有餘繫身及鼻界而無香鼻識故此不說如鼻界香界鼻識界及

論
卷之二
八
兩
東京大学総合図書館所蔵

以第四靜慮眼見第二靜慮色時彼欲界身第四靜慮眼第二靜慮色生初靜慮眼識見第三靜慮色時彼欲界身第四靜慮眼第三靜慮色生初靜慮眼識若生第二靜慮以第三靜慮眼見欲界色時彼第二靜慮身第三靜慮眼欲界色生初靜慮眼識卽彼以第四靜慮眼見欲界色時彼第二靜慮身第四靜慮眼欲界色生初靜慮眼識見第三靜慮色時彼第二靜慮身第四靜慮眼第三靜慮色生初靜慮眼識若生第三靜慮以第四靜慮眼見欲界色時彼第三靜慮身第四靜慮眼欲界色生初靜慮眼識見第一靜慮色時彼第三靜慮身第四靜慮眼第二靜慮色生初靜慮眼識如是四種各異地繫是謂身眼色識同繫異繫義如說眼界色界眼識界及與身同繫異繫如是耳界聲界耳識界及與身同繫異繫廣說隨相應知問鼻香鼻識界爲必同繫爲亦有異繫耶答如是三種惟有同繫謂欲界鼻欲界香生欲界鼻識雖有餘繫鼻而無香鼻識故此不說問身鼻香鼻識界爲必同繫爲亦有異繫耶答如是四種惟有同繫謂欲界身欲界鼻欲界香生欲界鼻識雖有餘繫身及鼻界而無香鼻識故此不說如鼻界香界鼻識界及

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

與身惟同繫如是舌界味界舌識界及與身惟有同繫廣說隨相應知問身觸身識界爲必同繫爲亦有異繫耶答如是三種或有同繫或有異繫云何同繫謂生欲界彼欲界身欲界觸生欲界身識若生初靜慮彼初靜慮身初靜慮觸生初靜慮身識是謂同繫云何異繫謂生第二靜慮彼第二靜慮身第二靜慮觸生初靜慮身識若生第三靜慮彼第三靜慮身第三靜慮觸生初靜慮身識若生第四靜慮彼第四靜慮身第四靜慮觸生初靜慮身識是謂異繫身觸必無異地繫義以根境合方生識故根境麤細必相似故此中無四相對同異身界無別所依身故問意法意識界爲必同繫爲亦有異繫耶答如是三種或有同繫或有異繫云何同繫謂欲界意欲界法生欲界意識乃至非想非非想處意識非想非非想處法生非想非非想處意識是謂同繫云何異繫有作是說欲界善心無間惟有未至定現在前未至定無間欲界善心現在前或有說者欲界善心無間有未至定或初靜慮現在前彼二無間欲界善心現在前復有說者欲界善心無間有未至定或初靜慮或靜慮中間現在前彼三無間欲界善心現在前尊者妙音作如

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

是說欲界善心無間有未至定或初靜慮或靜慮中間或第二靜慮現在前彼四無間欲界善心現在前如超定時初靜慮等無間超第二靜慮等而第三靜慮等現在前故評曰彼不應作是說定不定心相生異故應作是說欲界善心無間有未至定或初靜慮現在前彼二無間欲界善心現在前彼無間勢力惟能至此故謂欲界善心無間或未至定或初靜慮現在前時彼欲界意初靜慮地意識法或三界繫或不繫彼二無間欲界善心現在前時彼初靜慮地意欲界意識法或三界繫或不繫初靜慮無間順次入第

二靜慮時彼初靜慮意第二靜慮意識法或三界繫或不繫第二靜慮無間逆次入初靜慮時彼第二靜慮意初靜慮意識法或三界繫或不繫第二靜慮無間順次入第三靜慮時彼第二靜慮意第三靜慮意識法或三界繫或不繫第三靜慮無間逆次入第二靜慮時彼第三靜慮意第二靜慮意識法或三界繫或不繫第二靜慮無間逆次入第三靜慮時彼第四靜慮意第三靜慮意第四靜慮意識法或三界繫或不繫第四靜慮無間逆次入第三靜慮時彼第四靜慮意第三靜慮意意識法或三界繫或不繫第四靜慮無間順次入

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

空無邊處時彼第四靜慮意空無邊處意識法或無色界繫或不繫空無邊處無間逆次入第四靜慮時彼空無邊處意第四靜慮意識法或三界繫或不繫空無邊處無間順次入識無邊處時彼空無邊處意識無邊處意識法或識無邊處繫或無所有處繫或非想非非想處繫或不繫識無邊處無間逆次入空無邊處時彼識無邊處意空無邊處意識法或無色界繫或不繫識無邊處無間順次入無所有處時彼識無邊處意無所有處意識法或無所有處繫或非想非非想處繫或不繫無所有處無間逆次入識無

邊處時彼無所有處意識無邊處意識法或識無邊處繫或無所有處繫或非想非非想處繫或不繫無所有處無間順次入非想非非想處時彼無所有處意非想非非想處意識法或非想非非想處繫或不繫非想非非想處無所有處意無所有處繫或非想非非想處意無所有處意識法或無所有處繫或不繫第三靜慮無間逆超入初靜慮無間順超入第三靜慮時彼初靜慮意第三靜慮意識法或三界繫或不繫第三靜慮無間逆超入初靜慮時彼第二靜慮意初靜慮意識法或三界繫或不繫乃至識無邊處無

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

間順超入非想非非想處時彼識無邊處意非想非
非想處意識法或非想非非想處繫或不繫非想非
非想處無間逆超入識無邊處時彼非想非非想處
意識無邊處意識法或識無邊處繫或無所有處繫
或非想非非想處繫或不繫餘地隨相皆應廣說如
是已說順逆入定次復應說入定定果此中定果者
十四變化心謂欲界初靜慮各有四第二靜慮有三
第三靜慮有二第四靜慮有一且欲界有四變化心
者謂初靜慮果乃至第四靜慮果此四變化心無間
淨四靜慮現在前淨四靜慮無間此四變化心現在

前欲界初靜慮果變化心無間淨初靜慮現在前時
彼欲界意初靜慮意識法或三界繫或不繫淨初靜
慮無間欲界初靜慮果變化心現在前時彼初靜慮
意欲界意識法卽所變化或四處或二處如是乃至
欲界第四靜慮果變化心無間淨第四靜慮現在前
時彼欲界意第四靜慮意識法或三界繫或不繫淨
第四靜慮無間欲界第四靜慮果變化心現在前時
彼第四靜慮意欲界意識法卽所變化或四處或二
處餘十靜慮果變化心對淨靜慮廣說隨相應知如
是已說入定定果次復應說命終受生謂欲界歿生

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

初靜慮時彼欲界意初靜慮意識法或上八地繫或
不繫初靜慮歿生欲界時彼初靜慮意欲界意識法
或三界繫或不繫欲界歿乃至生非想非非想處時
彼欲界意非想非非想處意識法或非想非非想處
繫或不繫非想非非想處歿乃至生欲界時彼非想
非非想處意欲界意識法或三界繫或不繫乃至無
所有處歿生非想非非想處時彼無所有處意非想
非非想處意識法或非想非非想處意無
非非想處歿生無所有處時彼非想非非想處繫
所有處意識法或無所有處繫或非想非非想處繫

或不繫是謂異繫此中無四相對同異以意界等通
在九地不必依止色身起故問此六識身幾有分別
幾無分別答前五識身惟無分別第六識身或有分
別或無分別且在定者皆無分別不在定者容有分
別計度分別遍與不定意識俱故此中且說眼識後
起分別意識問以欲界眼見欲界色及以色界眼見
欲色界色時於彼色起幾種眼識此後於彼復起幾
種分別意識答已斷善根者眼見色時於彼色起二
種眼識謂染污無覆無記此後於彼復起三種分別
意識謂善染污無覆無記不斷善根者若諸異生未

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

離欲界染眼見色時於彼色起三種眼識謂善染污無覆無記此後於彼復起欲界三種分別意識謂善染污無覆無記卽彼若生欲界已離欲界染未離初靜慮染以欲界眼見諸色時於彼色起二種眼識謂除染污此後於彼復起分別意識若退法者欲界三種初靜慮二種不退法者欲界初靜慮各二種謂除染污卽彼以初靜慮眼見欲界色時於彼色起無覆無記眼識此後於彼復起分別意識初靜慮三種除染污欲界若退法者三種不退法者二種見初靜慮色時於彼色起無覆無記眼識此後於彼復起分別意識初靜慮三種欲界若退法者二種除無記不退法者惟善卽彼已離初靜慮染未離第二靜慮染以初靜慮眼見欲界色時於彼色起無覆無記眼識此後於彼復起分別意識若退法者欲界三種初靜慮二種不退法者欲界二種初靜慮惟善見初靜慮色時於彼色起無覆無記眼識此後於彼復起分別意識若退法者欲界二種初靜慮三種不退法者欲界初靜慮各惟善卽彼以第二靜慮眼見欲界色時於彼色起無覆無記眼識此後於彼復起分別意識退法者欲界三種前二靜慮各二種不退法者欲界

論
卷之十一
三
滿二
滿三
滿四
東京大学総合図書館所蔵

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

第二靜慮各二種初靜慮惟善見初靜慮色時於彼色起無覆無記眼識此後於彼復起分別意識若退法者欲界第二靜慮各二種初靜慮三種不退法者欲界初靜慮各惟善第二靜慮二種見第二靜慮色時於彼色起無覆無記眼識此後於彼復起分別意識若退法者欲界初靜慮各二種第二靜慮三種不退法者欲界初靜慮各惟善第二靜慮三種即彼已離第二靜慮染未離第三靜慮染以初靜慮眼見欲界色時於彼色起無覆無記眼識此後於彼復起分別意識若退法者欲界三種前三靜慮各二種不退法者欲界及第三靜慮各二種前二靜慮各惟善見初靜慮色時於彼色起無覆無記眼識此後於彼復起分別意識若退法者欲界第二第三靜慮各二種初靜慮三種不退法者欲界及前二靜慮各惟善第一靜慮二種即彼以第二靜慮眼見欲界色時於彼色起無覆無記眼識此後於彼復起分別意識若退法者欲界三種前二靜慮各二種不退法者欲界二種前二靜慮各惟善見初靜慮色時於彼色起無覆無記眼識此後於彼復起分別意識若退法者欲界及前二靜慮各二種初靜慮三種不退法者欲界及前

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

二靜慮各惟善見第二靜慮色時於彼色起無覆無記眼識此後於彼復起分別意識若退法者欲界初靜慮各二種第二靜慮三種不退法者欲界及前二靜慮各惟善即彼以第三靜慮眼見欲界色時於彼色起無覆無記眼識此後於彼復起分別意識若退法者欲界三種前三靜慮各二種不退法者欲界第三靜慮各二種前二靜慮各惟善見初靜慮色時於彼色起無覆無記眼識此後於彼復起分別意識若退法者欲界第二第三靜慮各二種初靜慮三種不退法者欲界及前二靜慮各惟善第三靜慮二種見

第二靜慮色時於彼色起無覆無記眼識此後於彼復起分別意識若退法者欲界及初第三靜慮各二種第二靜慮三種不退法者欲界及前二靜慮各惟善第三靜慮二種見第三靜慮色時於彼色起無覆無記眼識此後於彼復起分別意識若退法者欲界及前二靜慮各二種第三靜慮三種不退法者欲界及前二靜慮各惟善第三靜慮三種即彼已離第三靜慮染未離第四靜慮染以初靜慮眼見欲界色時於彼色起無覆無記眼識此後於彼復起分別意識若退法者欲界三種四靜慮各二種不退法者欲界

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

及第四靜慮各二種前三靜慮各惟善見初靜慮色時於彼色起無覆無記眼識此後於彼復起分別意識若退法者欲界及後三靜慮各二種初靜慮三種不退法者欲界及前三靜慮各惟善第四靜慮二種卽彼以第二靜慮眼見欲界色時於彼色起無覆無記眼識此後於彼復起分別意識若退法者欲界三種四靜慮各二種不退法者欲界第四靜慮各二種前三靜慮惟善見初靜慮色時於彼色起無覆無記眼識此後於彼復起分別意識若退法者欲界及後三靜慮各二種初靜慮三種不退法者欲界及前三

靜慮各惟善第四靜慮二種見第二靜慮色時於彼色起無覆無記眼識此後於彼復起分別意識若退法者欲界及初第三第四靜慮各二種第二靜慮三種不退法者欲界及前三靜慮各惟善第四靜慮二種卽彼以第三靜慮眼見欲界色時於彼色起無覆無記眼識此後於彼復起分別意識若退法者欲界三種四靜慮各二種不退法者欲界第四靜慮各二種前三靜慮惟善見初靜慮色時於彼色起無覆無記眼識此後於彼復起分別意識若退法者欲界及後三靜慮各二種初靜慮三種不退法者欲界及前

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三靜慮各惟善第四靜慮二種見第二靜慮色時於彼色起無覆無記眼識此後於彼復起分別意識若退法者欲界及初第三第四靜慮各二種第二靜慮三種不退法者欲界及前三靜慮各惟善第四靜慮二種見第三靜慮色時於彼色起無覆無記眼識此後於彼復起分別意識若退法者欲界及初第二第四靜慮各二種第三靜慮三種不退法者欲界及前三靜慮各惟善第四靜慮二種

阿毗達磨大毗婆沙論卷第七十二

說一切有部發智

音釋

鑽借官切鑠鍔式灼切鵠悉合鵠刺藍梵語也
滑亦云和合鵠吉列符兵切刺郎葛切評品論也

浮渡居士吳用先施貲刻此
阿毗達磨大毗婆沙論第七十二卷
于零八十四箇該銀四兩零四分
銀山釋海亮對長洲徐普書旌德劉邦瀛刻
萬曆乙卯歲夏六月徑山化城識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿毗達磨大毗婆沙論卷第七十二

五百大阿羅漢等造

唐三藏法師玄奘奉詔譯

結蘊第二中十門納息第四之三

卽彼以第四靜慮眼見欲界色時於彼色起無覆無記眼識此後於彼復起分別意識若退法者欲界三種四靜慮各二種不退法者欲界第四靜慮各二種前三靜慮各二種不退法者欲界色時於彼色起無覆無記眼識此後於彼復起分別意識若退法者欲界及後三靜慮各二種初靜慮三種不退法者欲界及前

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

三靜慮各惟善第四靜慮二種見第二靜慮色時於彼色起無覆無記眼識此後於彼復起分別意識若退法者欲界及初第三第四靜慮各二種第二靜慮三種不退法者欲界及前三靜慮各惟善第四靜慮二種見第三靜慮色時於彼色起無覆無記眼識此後於彼復起分別意識若退法者欲界及初第二第四靜慮各二種第三靜慮三種不退法者欲界及前三靜慮各惟善第四靜慮二種見第四靜慮色時於彼色起無覆無記眼識此後於彼復起分別意識若退法者欲界及前三靜慮各二種第四靜慮三種不

退法者欲界及前三靜慮各惟善第四靜慮三種即彼若已離第四靜慮染以四靜慮眼見五地色於彼色起無覆無記眼識及五地分別意識多少隨相應知此中已離初靜慮染等以欲界眼見諸色時於彼色起眼識分別准前易了故不復說若諸異生生初靜慮未離初靜慮染見欲界色時於彼色起二種眼識除染汙此後於彼復起分別意識欲界三種初靜慮二種見初靜慮染見欲界色時於彼色起三種眼識此後於彼復起分別意識欲界二種初靜慮三種即彼已離初靜慮染未離第二靜慮染以初靜慮眼見欲界色

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

時於彼色起眼識分別廣說如前見初靜慮色時於彼色起二種眼識所起分別如前應知卽彼以第二靜慮眼見欲界色時於彼色起無覆無記眼識此後於彼復起分別意識欲界三種前二靜慮二種見初靜慮色時於彼色起無覆無記眼識此後於彼復起分別意識欲界及第二靜慮各二種初靜慮各二種初靜慮三種見第二靜慮色時於彼色起無覆無記眼識此後於彼復起分別意識欲界及初靜慮各二種第二靜慮三種卽彼已離第二靜慮染未離第三靜慮染以三地眼見四地色或已離第三靜慮染未

離第四靜慮染或已離第四靜慮染以四地眼見五地色於彼色起眼識分別准前應知如說異生生初靜慮如是卽彼生第一第二第三第四靜慮一一廣說隨相應知已說異生若諸聖者未離欲界染見欲界色時於彼色起三種眼識此後於彼復起欲界三種分別卽彼若生欲界已離欲界染未離初靜慮染以欲界眼見諸色時於彼色起二種眼識此後於彼復起分別意識若退法者欲界三種初靜慮二種不退法者欲界初靜慮各二種卽彼以初靜慮眼見欲界色時於彼色起無覆無記眼識此後於彼復起分別意

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

識初靜慮二種欲界若退法者三種不退法者二種見初靜慮色時於彼色起無覆無記眼識此後於彼復起分別意識初靜慮三種欲界惟善即彼已離初靜慮染未離第二靜慮染以初靜慮眼見欲界色時於彼色起無覆無記眼識此後於彼復起分別意識若退法者欲界三種初靜慮二種不退法者欲界二種初靜慮惟善見初靜慮色時於彼色起無覆無記眼識此後於彼復起分別意識欲界惟善初靜慮若退法者三種不退法者惟善即彼以第二靜慮眼見欲界色時於彼色起無覆無記眼識此後於彼復起分別意識若退法者欲界三種前二靜慮各二種不退法者欲界第二靜慮各二種初靜慮惟善見初靜慮色時於彼色起無覆無記眼識此後於彼復起分別意識欲界惟善第二靜慮二種初靜慮若退法者三種不退法者惟善見第二靜慮色時於彼色起無覆無記眼識此後於彼復起分別意識欲界初靜慮各惟善第二靜慮三種即彼已離第二靜慮染未離第三靜慮染以三地眼見四地色或已離第三靜慮染未離第四靜慮染或已離第四靜慮染以四地眼見五地色於彼色起眼識分別隨相應知此中已離

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

初靜慮染等以欲界眼見諸色時於彼色起眼識分別准前易了故不復說已說聖者生欲界卽彼若生初靜慮未離初靜慮染見欲界色時於彼色起二種眼識此後於彼復起初靜慮染二種分別見初靜慮色時於彼色起三種眼識此後於彼復起初靜慮三種分別卽彼已離初靜慮染未離第二靜慮染以初靜慮眼見欲界色時於彼色起眼識分別准前應知見初靜慮色時於彼色起二種眼識此後於彼復起前二靜慮二種分別卽彼以第二靜慮眼見欲界初靜慮色時於彼色起無覆無記眼識此後於彼復起前二靜慮各二種分別見第二靜慮色時於彼色起無覆無記眼識此後於彼復起分別意識初靜慮惟善見第二靜慮三種卽彼已離第二靜慮染未離第三靜慮染以初靜慮眼見欲界初靜慮色時於彼色起眼識分別准前應知卽彼以第二靜慮眼見欲界初靜慮色時於彼色起無覆無記眼識此後於彼復起分別意識初及第三靜慮各二種第二靜慮惟善見第二靜慮色時於彼色起無覆無記眼識此後於彼復起分別意識前二靜慮各惟善第三靜慮二種卽彼以第三靜慮眼見欲界初靜慮色時於彼色起無覆

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無記眼識此後於彼復起分別意識初及第三靜慮各二種第二靜慮惟善見第三靜慮色時於彼色起無覆無記眼識此後於彼復起分別意識前二靜慮各惟善第三靜慮二種見第三靜慮色時於彼色起無覆無記眼識此後於彼復起分別意識前二靜慮各惟善第三靜慮三種卽彼已離第三靜慮染未離第四靜慮染或已離第四靜慮染以四地眼見五地色時於彼色起眼識分別隨相應知如說聖者生初靜慮如是卽彼生第二第三第四靜慮一一廣說隨相應知此中眼識依自地眼緣下地色容有二種謂

除染汙緣自地色容有三種若依上地眼惟無覆無記善染汙眼識惟生自地容現在前由此必定繫屬生故善分別意識能緣一切自上下地染汙分別意識惟能緣自上地無覆無記分別意識惟能緣自下地善及染汙分別意識生自下地容現在前非生上地無覆無記分別意識惟生自地容現在前由此必定繫屬生故眼識後起分別意識非惟一生設經多生緣所見色亦得起故問何緣生在後三靜慮而得現起初靜慮眼識耶譬喻者說誰說生在後三靜慮而能現起初靜慮地眼等諸識然後三靜慮自有眼

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

等識依自地根了自下境若不爾者云何生上作巧
方便引初靜慮眼等諸識令現在前評曰彼不應作
是說應作是說後三靜慮無眼等識所以者何無尋
伺故眼等五識恒與尋伺相應起故問何緣生在後
三靜慮不引欲界眼等諸識令現在前而但引起初
靜慮識有作是說欲界劣故生在勝地不欲引彼眼
等諸識令現在前有餘師說彼界別故謂欲界繫眼
等諸識與上地根不同界繫初靜慮識與上地根雖
不同地而界同故亦依彼起或有說者欲界眼等識
非修果非通果故依上地根不得現起初靜慮眼等

識是修果是通果故依上地根亦得現起復有說者
欲界眼等識非定界非修地非離染地故依上地根
不得現起初靜慮眼等識是定界是修地是離染地
故依上地根亦得現起由如是等種種因緣生後三
靜慮得起初靜慮眼等諸識不起欲界如說眼識依
諸地根了諸地色引意識中三種分別數有多少耳
等諸識准此應知問諸成就眼界亦成就色界耶答
若成就眼界亦成就色界有成就色界不成就眼界
謂生欲界若未得眼或得已失未得眼者謂羯刺藍
等位及生盲者得已失者謂得眼已或腐爛或被挑

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

或蟲食或餘緣壞問諸成就眼界亦成就眼識界耶答應作四句有成就眼界不成就眼識界謂生第二第三第四靜慮眼識界不現在前有成就眼識界謂生欲界若未得眼或得已失有成就眼界亦成就眼識界謂生欲界已得眼而不失或生初靜慮或生第二第三第四靜慮眼識界現在前有不成就眼界亦不成就眼識界謂生無色界問諸成就色界亦成就眼識界耶答若成就眼識界亦成就色界有成就色界不成就眼識界謂生第二第三第四靜慮眼識界不現在前問若不成就眼界亦不成就色界耶答若不成就色界亦不成就眼界有不成就眼界非不成就色界謂生欲界若未得眼或得已失問諸不成就眼界亦不成就眼識界耶答應作四句有不成就眼界非不成就眼識界謂生欲界若未得眼或得已失有不成就眼識界非不成就眼識界謂生第二第三第四靜慮眼識界不現在前有不成就眼界亦不成就眼識界謂生無色界有非不成就眼界亦非不成就眼識界謂生欲界已得眼而不失或生初靜慮或生第二第三第四靜慮眼識界現在前問諸不成就色界亦不成就眼識界耶答若不成就色

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

界亦不成就眼識界有不成就眼識界非不成就色
 界謂生第二第三第四靜慮眼識界不現在前問諸
 眼界不成就得成就亦色界耶答若色界不成就得
 成就眼界亦爾有眼界不成就得成就非色界謂生
 欲界漸得眼界問諸眼界不成就得成就亦眼識界
 耶答應作四句有眼界不成就得成就非眼識界謂
 無色界歿生第二第三第四靜慮或生欲界漸得眼
 界有眼識界不成就得成就非眼界謂生第二第三
 第四靜慮眼識界現在前或從彼歿生欲界及初靜
 慮有眼界不成就得成就亦眼識界謂無色界歿生

欲界及初靜慮有眼界非不成就得成就亦非不成
 就得成就亦眼識界謂除前相問諸色界不成就得
 成就非眼識界謂無色界歿生第二第三第四靜慮
 有眼識界不成就得成就非色界謂生第二第三第四
 靜慮眼識界現在前或從彼歿生欲界及初靜慮
 有色界不成就得成就亦眼識界謂無色界歿生欲
 界及初靜慮有色界非不成就得成就亦非眼識界
 謂除前相問諸眼界不成就得成就亦色界耶答應
 作四句有眼界成就得不成就非色界謂生欲界已

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

得眼而失有色界成就得不成就非眼界謂欲界無
 眼者歿生無色界有眼界成就得不成就亦色界謂
 欲界有眼者歿生無色界或色界歿生無色界有眼
 界非成就得不成就亦非色界謂除前相問諸眼界
 成就得不成就亦眼識界耶答應作四句有眼界成
 就得不成就非眼識界謂生欲界已得眼而失或第
 二第三第四靜慮歿生無色界有眼識界成就得不
 成就非眼界謂欲界無眼者歿生無色界或欲界初
 靜慮歿生第二第三第四靜慮或卽住彼眼識界已
 現在前而斷有眼界成就得不成就亦眼識界謂欲
 界有眼者歿生無色界或初靜慮歿生無色界有眼
 界非成就得不成就亦非眼識界謂除前相問諸色
 界成就得不成就亦眼識界耶答應作四句有色界
 成就得不成就非眼識界謂第二第三第四靜慮歿
 生無色界有眼識界成就得不成就非色界謂欲界
 初靜慮歿生第二第三第四靜慮或卽住彼眼識界
 已現在前而斷有色界成就得不成就亦眼識界謂
 欲界初靜慮歿生無色界有色界非成就得不成就
 亦非眼識界謂除前相如眼界色界眼識界展轉相
 對有十二論如是耳界聲界耳識界展轉相對乃至

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

意界法界意識界展轉相對亦各應有十二論如是
 則說同分對同分若不同分對不同分應作是說眼
 界色界眼識界有五種三論耳界聲界耳識界有四
 種三論鼻界香界鼻識界有三種三論舌界味界舌
 識界有三種三論身界觸界身識界有一種三論如
 是一一隨相應知十二處者謂眼處色處耳處聲處
 鼻處香處舌處味處身處觸處意處法處問何故作
 此論答爲廣分別契經義故謂契經說有生聞婆羅
 門來詣佛所到已頂禮世尊雙足合掌恭敬慰問佛
 已退坐一面而白佛言憍答摩尊常爲衆說一切一

切云何一切齊何施設此一切言佛告生聞婆羅門
 曰我說一切卽十二處所謂眼處乃至法處如來齊
 此施設一切若有沙門婆羅門等作如是說我捨
 佛所說一切別更施設有一切言彼但有語而無實
 義若還問之便不能了後自思審轉生迷悶所以者
 何非彼境故契經雖作是說而不分別其義經是此
 論所依根本彼不說者今欲說之故作斯論問若作
 是說言一切者謂十八界或作是說言一切者謂五
 蕪及無爲或作是說言一切者謂四諦及虛空非擇
 滅或作是說言一切者謂名與色如是等說豈但有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

語而無實義答此中遮義不遮於文但遮義施設不遮文施設佛意說言一切法性皆攝入此十二處中若有說言我能施設別更有法不攝在此十二處中彼但有語而無實義非佛意說十二處外無名色等差別法門然佛所說十二處教最上勝妙非餘法門問何故此教最上勝妙答此是處中說攝一切法故十八界教雖攝一切法而是廣說難可受持五蘊教非惟略說難可解了而亦不能攝一切法以蘊不攝三無爲故惟佛所說十二處教攝諸法盡非廣非略是故說爲最上勝妙故作是言若欲觀察諸法性相

當依如是十二處教若依如是十二處教觀察諸法所有性相便生十二爾談智光復現十二實義影像如人瑩拭十二明鏡懸在諸方若入其中便現十二自身影像一一有情身中有十二處可得問若一身中有十二處云何建立十二處耶答以彼自性作用別故謂十二處雖在一身而十二種自性作用有差別故互相雜如一室內有十二人伎藝各別雖同一室而有十二自性作用復次以二事故立十二處一以所依即眼等六二以所緣即色等六復次以三事故立十二處一以自性二以所依三以所緣自性

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故者謂立眼處乃至法處所依者謂立眼處乃至意處所緣故者謂立色處乃至法處如是名爲諸處自性我物自體相分本性已說處自性所以今當說問何故名處處是何義答生門義是處義生路義藏義倉義經義殺處義田義池義流義海義白義淨義是處義應知此中生門義是處義者如城邑中出生諸物由此長養諸有情身如是所依及所緣內出生種種心心所法由此長養染淨相續生路義是處義者如道路中通生諸物由此長養諸有情身如是所依及所緣內通生種種心心所法由此長養染淨相

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

水從何池出 何處道不通 何處攝世間
苦樂等皆盡

世尊告曰

眼耳鼻舌身 意及諸餘處 此攝名及色
能令無有餘 水從此池出 此處道不通
此處攝世間 苦樂等皆盡

流義是處義者如有問言

諸處將流泄 如何能制防 若從彼已流
誰復能偃塞

世尊告曰

諸處將流泄 正念能制防 若從彼已流

淨慧能偃塞

海義是處義者如世尊說苾芻當知諸有情類以眼
爲海現前諸色是彼濤波於色濤波自制抑者能度
眼海得免迴渢邇刹娑等種種險難乃至意法廣說
亦爾白義是處義者謂眼等處麤顯明了淨義是處
義者謂眼等處貞實澄潔是謂生門乃至淨義外論
說此名勃路擎如摩健地迦出家外道說橋答摩說
諸勃路擎皆來入我呪術章句勃路擎聲含二種義
一根本義二能作義以十二處與心心所爲根本故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

及能作動心心所故已總說處立名所因今當一一別說其相問眼處云何答諸眼於色已正當見及彼同分是名眼處已見色等言如界中已釋乃至意處應知亦爾問色處云何答諸色爲眼已正當見及彼同分是名色處已所見等言如界中已釋乃至法處應知亦爾問若十色處法處少分皆體是色何故惟一名色處耶答惟此一處色相麤顯易見易了故名色處餘處不爾故立別名復次惟此一處是二眼境謂肉天眼故名色處餘處不爾故立別名復次惟此一處是三眼境謂肉天聖慧眼故名色處餘處不爾故立別名復次惟此一處是二眼境眼識所緣故名色處是故尊者妙音說曰若二眼境眼識所緣立色處名餘處不爾復次若有麤細長短此彼方處可了立色處名餘處不爾故非色處復次若形相大及可積聚易了知者立色處名餘處不爾故非色處復次若可種植增長易了立色處名餘處不爾故非色處種植增長通內外分外分種植謂下種時增謂萌芽時長謂莖葉莖果時內分種植謂羯刺藍位增謂頬部曇位長謂閉戶鍵南鉢羅奢佉等位復次若可施設爲方隅性立色處名餘處不爾故非色處惟於色

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

處施設一切方隅自性非餘處故復次若可施設踰繕那性立色處名餘處不爾故非色處惟於色處施設一切踰繕那性非餘處故復次若能覆蓋諸餘色法如巾帽者立色處名餘處不爾故非色處惟有色處能總覆蓋諸餘色法非餘處故復次若處具有形色顯色立色處名餘處不爾故非色處復次若處具有二十種色或二十一立色處名餘處不爾故非色處問何故名觸處爲是可觸故名觸處爲體是觸故名觸處爲觸所緣故名觸處設爾何失三皆有過所以者何若是可觸故名觸處極微展轉既不相觸如

何觸處是可觸耶若體是觸故名觸處大種造色非觸自性如何觸處體是觸耶若觸所緣故名觸處此亦是餘心心所境如何但說觸所緣耶答應作是說此是可觸故名觸處問極微展轉既不相觸如何觸處是可觸耶答依世俗說不依勝義謂世共說眼所受境名可見耳所受境名可聞鼻所受境名可艱舌所受境名可嘗身所受境名可觸意所受境名可知是故可觸故名觸處復次緣生身識故名觸處如契經說身觸爲緣生於身識此是勝義了別境心故此所緣名爲觸處復次此名觸處亦名養處由此長養

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

諸餘色法令增盛故如能增喜名爲喜處此能長養
 故名養處尊者世友作如是說極微展轉互相觸不
 答互不相觸若相觸者卽應住至第二刹那大德說
 曰一切極微實不相觸但由無間假立觸名有作是
 說極微展轉實不相觸亦非無間但和合住彼此相
 近假立觸名問十二處體無非是法何故惟一立法
 處名答雖十二處體皆是法而但於一立法處名亦
 無有失有譬喻故如十八界體雖皆法而但於一立
 法界名又如十智雖皆緣法而但於一立法智名又
 如七覺支雖皆能擇法而但於一立擇法覺支名又
 如六隨念雖皆緣法而但於一立法隨念名又如四
 念住雖皆緣法而但於一立法念住名又如四證淨
 雖皆緣法而但於一立法證淨名又如四無礙解雖
 皆緣法而但於一立法無礙解名又如三寶三歸雖
 體皆法而但於一立法寶法歸名此亦如是雖十二
 處體皆是法而但於一立法處名亦無有失復次法
 處有一名餘處有二名一名者謂共名以十二處皆
 是法故二名者謂共不共名共名如前不共名者謂
 眼處等欲令易了顯不共名法處更無不共名故但
 顯共名故名法處復次生有爲法生相惟在此處當

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

故獨名法處復次四有爲相是一切法印封幖幟簡
別有爲異無爲故彼相惟在此處攝故獨名法處復
次名句文身詮表顯示諸法性相令易解了彼三惟
在此處攝故獨名法處復次如諸窓牖通風行故名
風行處法處亦爾通生諸法故名法處諸煩惱業及
定慧等能生一切有爲法故及能通證無爲法故復
次達一切法皆空非我空解脫門在此處攝故名法
處問能執諸法爲我我所薩迦耶見亦此處攝如何
此處不名我處答薩迦耶見是虛妄執不稱諸法實
相而解是故此處不立我名空解脫門證法實相是
故此處依彼名法復次擇滅涅槃是常是善不變不
易生老病死所不能壞是勝義法彼法惟在此處攝
故獨名法處復次分別諸法自相共相安立諸法自
相共相破自性愚及所緣愚於一切法不增不減如
實解慧惟此處攝故名法處餘處不爾故別立名復
次此攝多法故名法處攝多法者謂於此處有色非
色渴相應不相應法有所依無所依法有所緣無所
緣法有行相無行相法有警覺無警覺法有爲無爲
法餘處不爾故別立名復次此處對意故名法處謂
眼等處惟對色等惟有意處對一切法故對意者別

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

得通名由如是等種種因緣十二處中一名法處別說諸處一一相已今應復說諸處次第問何故世尊先說內處後說外處答以依六識所依所緣次第說故問何故世尊於六內處先說眼處乃至後說意處於六外處先說色處乃至後說法處答隨順文詞詮表相故復次隨順說者受者持者次第法故復次隨順麤細次第法故謂六內處眼處最麤是故前說乃至意處最細是故後說六外處中色處最麤是故前說乃至法處最細是故後說復次依定不定次第說故六內處中前五定取現在境故前說意處取境不

決定故後說謂以三世及無爲法或總或別爲所取故前五處中前四定取所造色故前說身處取境不決定故後說謂以能造及所造色或總或別爲所取故前四處中於所取境遠速明者前說此相違者後說依內六處前後次第說外六處次第亦爾復次依處上下次第說故謂一身中眼處最上耳處次下鼻處次下舌處次下身多在下意無方處故最後說依六內處前後次第說六外處應知亦爾復次依諸有情展轉相遇禮儀次第故作是說謂相遇時先互相見次與言論次奉香華次設飲食次授細妙臥具等

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

事由此最後互相得意故十二處次第如是
阿毗達磨大毗婆沙論卷第七十三

說一切有部發智

音釋

腐爛

腐奉甫切朽也

挑

吐凋切

伎藝

伎渠紀切巧也藝魚祭切

才篇

市緣切子貴切

緯

橫縷也

也篇

竹器也

中

別表是生中

浮渡

居士吳用先施貲刻此

計字七

阿毗達磨大毗婆沙論

第十七卷

銀山釋

流

亮對長洲徐普書涇縣徐世萬刻

萬曆

乙卯歲夏六月徑山化城識

阿毗達磨大毗婆沙論卷第七十四

五百大阿羅漢等造

唐三藏法師玄奘奉詔譯

結蘊第二中十門納息第四之四

問云何建立內處外處爲依於法爲依於我設爾何失二俱有過所以者何若依於法法無作用於無作用一切法中云何建立內處外處若依於我我實性無如何依我立內外處答惟依法立然非一切謂六識身是染淨法所依止處若與六識作所依者名爲內處作所緣者名爲外處故依法立內外處名復次

170123456789 180123456789 190123456789

若法是根立爲內處若法是根義立爲外處復次若法是有境立爲內處若法是境立爲外處有說依我立内外處我即是心我執依故於此心上假立我名如契經說

由善調伏我 智者得生天 應善調伏心
心調能引樂

旣善調心卽善調我故知心上假立我名此我所依立爲內處我所緣者立爲外處然內外名非圓成實謂於我是內者於他名外於我是外者於他名內故而且依一立内外非名非不決定如契經說汝等苾芻於內六處應如實知問於外六處亦應如實知何故世尊惟勸知內處答世尊欲令諸弟子輩多於內門修靜慮故如契經說汝等苾芻應觀內根不應緣外復次世尊欲令諸弟子輩內修靜慮無所增益如契經說汝等苾芻應內修定勿妄增益常樂我淨汝等苾芻應內修定如實觀察諸行無常苦空非我因集生緣由此八種聖慧行相於一切時應觀諸有復次世尊欲令諸弟子輩於內修習不共靜慮如世尊說汝等苾芻應內修定不應修習諸共靜慮謂麁苦障靜妙離觀汝等苾芻應內修定謂應修習不共靜

170123456789180123456789190123456789

慮觀察諸有如病如癱如箭惱害無常有苦是空非我由此八種勝尋思杖能偏摧伏一切有生復次此契經中惟勸觀察內六處者以內是外所依止故亦勸觀彼所以者何以有我故便有我所有我見故有我所見有五我見故有十五我所見有我執故有我所執有我癡故有我所癡有我愛故有我所愛爲養內我求外資具復次世尊欲令諸弟子等先於內法修念住故謂修行者先緣內法修習念住既成滿已方緣於外由如是等種種因緣是故世尊惟勸知不如契經說有六內處契經復說有六觸處問此二六

處有何差別或有說者此二無別所以者何六內處卽六觸處六觸處卽六內處聲雖有異而義無別復有說者亦有差別謂名卽差別名內六處名六觸處故復次諸同分者名六觸處彼同分者名六內處復次諸可生法名六觸處不可生法名六內處復次有業用者名六觸處無業用者名六內處若作是說諸現在者名六觸處過去未來者名六內處復次諸已生者名六觸處未已生者名六內處若作是說過去現在名六觸處未來名六內處復次心心所法正依住者名六觸處心心所法不正依住惟空轉者名六

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

內處復次眼等六處作觸所依義名六觸處作餘心
心所法所依義名六內處者尊者言眼等六處自性
名內六處若有所作名六觸處如苾芻益若說自性
但名爲益苾芻用時名苾芻益尊者望滿作如是言
眼等六處自體名內六處若與觸作所依名六觸處
如鐵酥益若說自體但名鐵益若盛酥時名鐵酥益
問眼等六處亦爲受等之所依止何故但名觸處不
名受等處耶答亦應說受等處而不作是說者當知
此義有餘復次契經舉勝兼顯劣者謂於一切心心
所中觸最爲勝若說觸處當知兼顯名受等處復次
心心所法以觸爲命觸所任持觸所引發由觸力故
能現在前故名觸處謂心心所於境流散由觸攝持
令得和合又若無觸諸心心所應如死屍不能觸對
自所緣境皆由觸力有觸境用如有命根身能覺觸
是故眼等但名觸處如契經說六內處名此岸六外
處名彼岸問六内外處與此彼岸有何相似而作是
說答與心心所作所依緣有近有遠似此彼岸故作
是說如河兩岸近者名此遠者名彼如是六處與心
心所作所依者近故如此岸作所緣者遠故如彼岸
復次是心心所初入已度如此彼岸故作是說如諸

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

有情初入河處名爲此岸已度河處名爲彼岸如是
 與心心所法作所依者如初入故名此岸作所緣者
 如已度故名彼岸故内外處名此彼岸復次契經中
 說寂滅涅槃名爲彼岸涅槃惟是外處所攝既名彼
 岸故內六處得此岸名如契經說薩迦耶生是此岸
 薩迦耶滅是彼岸薩迦耶者即是生死於生死中六
 內處勝故六內處得此岸名既六內處名爲此岸故
 六外處得彼岸名問此中何法如河而說六內外處
 如此彼岸耶答心心所法如河故內外處如此彼岸
 如有瀑河漂此彼岸情非情物同趣大海心心所法
 亦復如是漂內外處所攝有情同趣生老病死大海
 問於此河中誰爲船楫答八支聖道如有船楫百千
 衆生之所依止從河此岸度至彼岸隨意遊適如是
 無量無邊有情依止聖道從生死此岸至涅槃彼岸
 自在遊賞故八聖道猶如船楫如契經說有八勝處
 有十徧處問彼八與十旣亦名處何故但有十二處
 耶答彼八與十皆攝在此十二處中謂彼自性俱有
 相應卽此意處法處攝故如契經說有四無色處謂
 空無邊處識無邊處無所有處非想非非想處問何
 故世尊於四無色以處聲說答爲破外道解脫執故

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

謂諸外道執四無色爲四涅槃一執空無邊處名無身涅槃二執識無邊處名無邊意涅槃三執無所有處名淨聚涅槃四執非想非非想處名世間牢堵波涅槃爲破如是外道涅槃執故說四無色名爲生處非真解脫真解脫者乃名涅槃如契經說復有二處一無想有情處二非想非非想處問何故世尊說此二處答爲破外道解脫想故謂諸外道於此二處起解脫想爲破彼想佛說此二名爲生處非真解脫復次爲破外道不還想故謂諸外道於此二處起不還想爲破彼想佛說此二名退還處謂彼處沒退還諸界諸趣諸生流轉生死無息期故復次爲破外道不散想故謂諸外道執此二處是真解脫不復散壞爲破彼執佛說此二是散壞處謂從彼歿散向諸界諸趣諸生流轉生死無息期故若從無想有情天歿決定散墮欲界受生若從非想非非想歿非聖散墮下地受生復次觀此二處壽量長遠諸外道等執爲解脫惟諸異生所受生處壽量長遠無有過於無想天者謂彼壽量五百大劫一切有情所受生處壽量長遠無過非想非非想處謂彼壽量八萬大劫爲遺外道此解脫執佛說此二名爲生處非真解脫復次佛

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

於餘處以二名說一名有情居二名爲識住於此二處亦二名說一名有情居二名爲處故於此二以處聲說謂受生處復次佛說諸識住定是有情居有无情居而非識住謂此一處顯非無此故說處名卽是有情所居處義如契經說尊者舍利子往詣佛所作如是言大德世尊施設諸處爲無有上謂十二處攝一切法此是世尊無餘智見過此更無所知見法若有沙門婆羅門等覺所知法過世尊者無有是處問尊者舍利子如何能知此十二處攝一切法而讚佛言施設諸處爲無有上答由教故知謂舍利子得四

證淨於佛所說決定信受曾聞世尊說十二處攝一切法由此故知問尊者舍利子於十二處惟有教智無證智耶答亦有證智謂舍利子於十二處亦能一一無倒證知問佛舍利子於十二處俱能一一無倒證知佛舍利子有何差別答佛能於此十二處法一一證知自相共相尊者舍利子於此十二處法惟能一一證知共相於彼自相未能一一如實證知謂有無量諸處差別皆攝入此十二處中而舍利子須他顯示乃能知故復次尊者舍利子於十二處一一證知由他教引佛施十二處一一證知皆能自覺不由

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

他教復次佛於十二處具一切智一切種智尊者舍利子於十二處惟有一切智無一切種智復次佛於十二處不依六識而能證知惟有爾所尊者舍利子於十二處要依六識方能證知惟有爾所謂舍利子作是念言一切識身惟有六種識身定有所依所緣此所依緣定有十二故十二處不增不減復次尊者舍利子雖於十二處一一證知而要先思惟佛所說法謂佛先說十二處名後隨此名一一分別世尊分別十一處已時舍利子作是念言前十一處所不攝法必應攝在最後法處故作是說大德世尊施設諸

處爲無有上謂十二處攝一切法世尊證知十二處相不由思惟他所說教故舍利子雖能證知十二處相而與佛智極有差別是故號佛爲無上尊五蘊者謂色蘊受蘊想蘊行蘊識蘊問何故作此論答爲廣分別契經義故謂契經中說有五蘊色乃至識雖作是說而不廣釋經是此論所依根本彼不說者今欲說之故作斯論問色蘊云何答如契經說諸所有色皆是四大種及四大種所造餘經復說云何色蘊諸所有色若過去若未來若現在若內若外若麤若細若劣若勝若遠若近如是一切略爲一聚說名色蘊

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

論

方廣說大集經卷第十四

八

滿四

乃至識蘊廣說亦爾阿毗達磨作是說言云何色蘊謂十色處及法處所攝色是名色蘊問此三處說義有何異答各爲遮止他宗所說問如契經說諸所有色皆是四大種及四大種所造此爲遮止何宗所說答此爲遮止覺天等說謂佛觀察未來世中有覺天等當作是說四大種外無別所造爲遮彼意故作是說諸所有色皆是四大種及四大種所造顯離大種有所造色問餘經復說諸所有色若過去若未來若現在乃至廣說此爲遮止何宗所說答此爲遮止外道所說謂佛在世有出家外道名爲杖髻撥無過去未來爲遮彼意故世尊說諸所有色若過去若未來若現在乃至廣說顯有過去未來色等問阿毗達磨作如是言云何色蘊謂十色處及法處所攝色此爲遮止何宗所說答此爲遮止譬喻者說謂譬喻者撥無法處所攝諸色故此尊者法救亦言諸所有色皆五識身所依所緣如何是色非五識身所依所緣爲遮彼意故作是說云何色蘊謂十色處及法處所攝色問若法處所攝諸色是實有者尊者法救所說當云何通答不必須通非三藏故若必須通當正彼說諸所有色皆五識所依及六識所緣法處所攝色雖

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

非五識所依所緣而是意識所緣色攝復次法處所攝色依四大種而得生故從所依說在身識所緣中故彼尊者說亦無失問受蘊云何答六受身謂眼觸所生受乃至意觸所生受契經及阿毗達磨皆作是說問想蘊云何答六想身謂眼觸所生想乃至意觸所生想契經及阿毗達磨皆作是說問行蘊云何答契經說此是六思身謂眼觸所生思乃至意觸所生思阿毗達磨說此行蘊略有二種謂相應行不相應行乃至廣說問世尊何故於相應不相應行蘊中偏說思爲行蘊非餘行耶答思於施設行蘊法中最爲

上首思能導引攝養諸行故佛偏說如愛施設集諦法中最爲上首愛能導引攝養諸集故佛偏說復次造作有爲故名爲行思是造性餘法不爾故佛偏說思爲行蘊問識蘊云何答六識身謂眼識乃至意識契經及阿毗達磨皆作是說如是名爲諸蘊自性我物自體相分本性已說自性所以今當說問何故名蘊蘊是何義答聚義是蘊義合義是蘊義積義是蘊義略義是蘊義若世施設卽蘊施設若多增語卽蘊增語聚義是蘊義者謂諸所有色若過去若未來若現在廣說乃至若遠若近如是一切總爲一聚立爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

色蘊乃至識蘊聚義亦爾合義是蘊義者謂諸所有色若過去若未來若現在廣說乃至若遠若近如是一切總爲一合立爲色蘊乃至識蘊合義亦爾積義是蘊義者如種種物總爲一積名雜物蘊如是諸色總爲一積立爲色蘊乃至識蘊積義亦爾略義是蘊義者謂諸所有色若過去若未來若現在廣說乃至若遠若近如是一切總略一處立爲色蘊乃至識蘊略義亦爾問若爾無爲亦應立蘊諸無爲名可略聚故答諸有可略聚其體而可得略聚其名乃至識蘊應亦知爾略義亦爾問過去未來現在諸色可略聚耶答雖不可略聚其名而不可立爲蘊若世施設卽蘊施設者謂色蘊可施設有三世乃至識蘊亦可施設有三世故若多增語卽蘊增語者如多財名財蘊多穀名穀蘊多軍名軍蘊雖多人衆不相疊肩而同一事故名爲軍如是俱胝那庾多等諸極微色雖相去遠以相同故合立色蘊乃至識蘊無量刹那雖相去遠而相同故合立識蘊問若多增語是蘊增語者爲有一極微名色蘊不有作是說非一極微可立色蘊若立

爲法有作用故有略聚義雖體有時不可略聚者而略聚其名立色等蘊諸無爲法無作用故無略聚義雖可略聚其名而不可立爲蘊若世施設卽蘊施設者謂色蘊可施設有三世乃至識蘊亦可施設有三世故若多增語卽蘊增語者如多財名財蘊多穀名穀蘊多軍名軍蘊雖多人衆不相疊肩而同一事故名爲軍如是俱胝那庾多等諸極微色雖相去遠以相同故合立色蘊乃至識蘊無量刹那雖相去遠而相同故合立識蘊問若多增語是蘊增語者爲有一極微名色蘊不有作是說非一極微可立色蘊若立

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

色蘊要多極微復有說者一一極微有蘊相故亦可各別立爲色蘊若一極微無色蘊相衆多聚集亦應非蘊阿毗達磨諸論師言若觀假蘊應作是說一極微是一界一處一蘊少分若不觀假蘊應作是說一極微是一界一處一蘊如人於穀聚上取一粒穀他人問言汝何所取彼人若觀穀聚應作是答我於穀聚取一粒穀若不觀穀聚應作是答我今取穀乃至識蘊一一剎那問答亦爾如是已釋諸蘊總名今應分別諸蘊次第問何故世尊先說色蘊乃至最後說識蘊耶答隨順文詞詮表相故復次隨順說者受者

持者次第法故復次隨順麤細次第法故謂五蘊內色蘊最麤故佛先說於四蘊內受蘊最麤故次色說問受等四蘊無有方處無形質故如何可說有麤有細耶答雖無方處亦無形質而依行相立麤細名如世有言我手足痛我頭腹痛我肢節痛痛即是受以受如色可施設故於無色蘊說受最麤於三蘊內想最爲麤女男等想易了知故次受後說於二蘊內行蘊相麤貪瞋癡等相易了故次想後說識蘊最細總取境相難了知故最在後說復次從無始來男女於色更相愛樂故先說色更相愛色由貪受味故次說

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

論 十四

卷

滿四

受此貪受味由顛倒想故次說想此顛倒想由煩惱生故次說行一切煩惱依識而生染汙諸識故後說識復次二種色觀於入佛法爲甘露門謂不淨觀及持息念故先說色旣觀色已能見受過故次說受見受過已想不顛倒故次說想想無倒已煩惱不生故次說行無煩惱故識便清淨故後說識復次色蘊如器爲無色蘊所依所緣是故先說受如飲食是正所貪故次說受想如助味由顛倒想貪著諸受故次說想行如廚人諸煩惱業能有造作故次說行識如食者能了別境故後說識復次依界地故說五先後謂欲界中有諸妙欲色相顯了故先說色諸靜慮中有喜樂等受相顯了故次說受前三無色取空等相想相顯了故次說想有頂地中思最爲勝行相顯了故次說行色等四種卽四識住識是能依故最後說問五蘊有爲皆應名行何緣於一獨立行名答如十八界雖皆是法而但於一立法界名廣說乃至三寶三歸雖皆是法而但立一法寶法歸如是五蘊雖皆是行而但於一立行蘊名亦無有過復次行蘊有一名餘蘊有二名一名者謂共名謂五種蘊皆是行故二名者謂共不共名共名如前不共名者謂餘四蘊欲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

令易了顯不共名行蘊更無不共名故但顯共名故
名行蘊復次生一切行生相惟在此蘊攝故獨名行
蘊復次四有爲相是一切行印封幖幟簡別有爲異
無爲故彼相惟在此蘊攝故獨名行蘊復次名句文
身詮表顯示諸行性相作用差別令易解了彼三惟
在此蘊攝故獨名行蘊復次覺一切行皆空非我空
解脫門此蘊攝故獨名行蘊問能執諸行爲我我所
薩迦耶見亦此蘊攝如何此蘊不名我蘊答薩迦耶
見是虛妄執不稱諸行實相而解是故此蘊不立我
名空解脫門覺行實相是故此蘊依彼名行復次分

別諸行自相共相安立諸行自相共相破自性愚及
所緣愚於一切行不增不減如實解慧惟此蘊攝故
名行蘊餘蘊不爾故別立名復次此攝多行故名行
蘊攝多行者謂此蘊中有相應不相應行有所依無
所依行有所緣無所緣行有行相無行相行有警覺
無警覺行餘蘊不爾故立別名復次行謂造作有爲
法中能造作者思最爲勝思但攝在此行蘊中故此
行蘊獨名爲行問大地法等諸心所中何故別立受
想爲蘊餘心所法不別立耶脅尊者言惟佛通達諸
法性相作用差別若法堪任獨立蘊者便獨立蘊若

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

不堪任獨立蘊者便共立蘊故不應責復次世尊欲以異相異文莊嚴於義故作是說謂佛若以異相異文莊嚴於義則受化者欣樂受持不生厭倦復次世尊欲現二門二略二階二陞二炬二明二光二影故作是說謂如受想各別立蘊餘心所法亦應別立如餘心所合立行蘊受想亦應合立爲蘊如是則應蘊有無量或但有三以現二門乃至二影故蘊有五不減不增復次世尊欲顯二門法要是故別立受想爲蘊謂諸心所有是根性有非根性若說受別立蘊當知已說是根心所若說想別立蘊當知已說非根心

所如根性非根性明性非明性現見性非現見性喜觀性非喜觀性妙性非妙性勝性非勝性有勢力性無勢力性增上性非增上性應知亦爾復次受想二法二界所顯故別立蘊謂受蘊色界所顯喜樂等受色界增故想蘊無色界所顯空識等想無色界增故復次由二法故謂瑜伽師於二界勞倦故別立蘊謂受力故諸瑜伽師於色界勞倦想力故諸瑜伽師於無色界勞倦復次諸有情類耽著樂受執顛倒想生死輪迴受諸劇苦欲令了知此二過患故別立蘊復次受想二法爲因發起二諍根本勝餘法故別立爲

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

蘊謂受能發起受諍根本想能發起見諍根本如能發起二諍根本如是能發起二雜染二邊二箭二戲論二我所應知亦爾復次受想二法別立識住故獨立蘊餘心所法總立識住故共立蘊復次諸瑜伽師厭惡受想入滅盡定故別立蘊如施設論說云何加行得滅盡定以何方便起滅盡定謂初修業者於一切行不作功用亦不思惟但作是念誰未生故受想得生誰已生故受想便滅知已厭離受想二法乃至不生得滅盡定由如是等種種因緣別

立受想各爲一蘊問無爲何故不立蘊耶答無蘊相故不立爲蘊謂蘊是聚積相無爲無此相故不立爲蘊復次無爲是蘊究竟滅處故不立蘊如瓶衣等究竟滅處非瓶衣等復次諸有爲法生滅相應有因有緣得有爲相可立爲蘊諸無爲法生滅不相應無因無緣不得有爲相故不立蘊復次諸有爲法屬因緣因緣和合可立爲蘊諸無爲法與此相違故不立蘊復次諸有爲法爲生所起爲老所衰爲無常所滅可立爲蘊諸無爲法與此相違故不立蘊復次諸有爲法流行於世取果與果有諸作用能了所緣可立

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

爲蘊諸無爲法與此相違故不立蘊復次諸有爲法墮在三世與苦相應有前後際有下中上可立爲蘊諸無爲法與此相違故不立蘊復次諸無爲法無五蘊相不可立在此五蘊中亦不可立爲第六蘊無聚積等諸蘊相故復次蘊是作相諸無爲法無有作相故不立蘊復次蘊從他生諸無爲法不從他生故不立蘊由如是等種種因緣無爲非蘊如契經說有五種功德蘊謂戒蘊定蘊慧蘊解脫蘊解脫智見蘊問蘊應有十如何說五答彼戒等蘊皆攝在此色等五中故蘊惟五如契經說尊者阿難告諸苾芻作如是訴我親從佛邊受八萬法蘊從諸苾芻所傳受得二千問世尊既說衆多法蘊如何但說有色等五答彼多法蘊皆攝在此色等五中故蘊惟五問彼諸法蘊是何蘊攝有作是說一切法蘊語爲自性彼說攝在此色蘊中有餘師說一切法蘊名爲自性彼說攝在此行蘊中是故世尊惟說五蘊問一一法蘊其量云何有作是說有法蘊論六千頌末一一法蘊各如彼量復有說者如世尊說蘊處界食緣起諦實念住正斷神足根力覺支道支如是等類一一法門名一法蘊不可定說有爾所頌尊者妙音作如是說一一法

170123456789180123456789190123456789

蘊有五十萬五千五百五十頌文有餘師說一一法
蘊有十五萬五千五百五十頌文有餘復言一一法
蘊惟有一萬五千五百五十頌文評曰彼皆不應作
如是說應作是說受化有情有八萬行爲對治彼八
萬行故世尊爲說八萬法蘊彼諸有情依佛所說八
萬法蘊入佛法中作所應作各得究竟

阿毗達磨大毗婆沙論卷第七十四

說一切有部發智

音釋

癰於容切

脅也

脅下也

脅業切

脅也

脅北末切

脅食器也

脅報切

脅疾流也

脅漂切

脅紹浮

脅張尼

也房越切

也簞也

也波

也梵語也

也此云方墳

也又云

也堵音

也堵音

也視

也尼

也尼

也尼

粒力入切

米顆也

浮渡居士吳用先施貲刻此
阿毗達磨大毗婆沙論第七十四卷 計字七
千零二十四箇該銀三兩五錢乙分
銀山釋海亮對長洲徐普書上元陶夢信刻
萬曆乙卯歲夏六月徑山化城識

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

阿毗達磨大毗婆沙論卷第七十五

五百大阿羅漢等造

唐三藏法師玄奘奉詔譯

結蘊第二中十門納息第四之五

五取蘊者謂色取蘊受取蘊想取蘊行取蘊識取蘊問何故作此論答爲欲分別契經義故謂契經說有五取蘊謂色取蘊乃至識取蘊契經雖作是說而不廣辯其義經是此論所依根本彼不說者今應分別故作斯論問色取蘊云何答若色有漏有取彼色在過去未來現在或起欲或起貪或起瞋或起癡或起

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

怖或復隨起一心所隨煩惱是名色取蘊此中起欲
起貪者謂起愛結起瞋者謂起恚結起癡者謂起無
明結起怖者有作是說此中不應說或起怖所以者
何怖卽煩惱若說煩惱卽已說怖問若爾此怖以何
煩惱爲自性有作是說以有身見爲自性所以者何
執有我者多怖畏故若說有身見卽已說怖有餘師
說以愛爲自性所以者何若有愛者多怖畏故復有
說者以無智爲自性所以者何諸無智者多怖畏故
若說無明卽已說怖評曰應作是說此所起中應別
說怖所以者何有別心所與心相應是怖自性此卽

攝在復有所餘如是類法與心相應心所法內非諸
煩惱問此怖自性於何處有答在欲界有非上二界
問若怖自性色界中無云何釋通契經所說如契經
說苾芻當知有極光淨光生諸天見後生者覩劫火
燄心生恐怖而慰喻言大儂勿怖大儂勿怖我數曾
見此劫火燄燒空梵宮卽於彼滅伽他所說復云何
通如說

聞諸長壽天 有妙色名譽 深心懷獸怖

如鹿對師子

答經頌於獸以怖聲說問若爾獸怖有何差別答名

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

卽差別謂彼名眾此名爲怖尊者世友作如是說怖
惟欲界眾通三界復作是說怖在煩惱品眾在善根
品復作是說怖通染汙無覆無記眾惟是善大德說
曰於衰損事深心疑慮欲得遠離說名爲怖已得遠
離深心憎惡說名爲眾如是名爲眾怖差別問異生
聖者誰有怖耶有作是說異生有怖聖者無怖所以
者何聖者已離五怖畏故五怖畏者一不活畏二惡
名畏三怯衆畏四命終畏五惡趣畏評曰應作是說
異生聖者二皆有怖問聖者已離五種怖畏如何有
怖答聖者雖無五種大怖而有所餘暫時小怖問何
等聖者有餘小怖爲有學位無學位耶有作是說惟
有學位有餘小怖以怖惟是煩惱品故評曰應作是
說學無學位皆容有怖學謂預流一來不還者無學
謂阿羅漢獨覺除佛世尊佛無恐怖毛豎等事於一
切法如實通達得無畏故或復隨起一心所隨煩惱
者謂緣色生謂餘偏行及修所斷餘煩惱等問受取
蘊云何答若受有漏有取彼受在過去未來現在或
起欲或起貪或起瞋或起癡或起怖或復隨起一心
所隨煩惱是名受取蘊此中廣釋如前應知有差別
者謂隨起一隨煩惱中緣此受生諸餘偏行及見所

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

斷餘非徧行如受取蘊如是想行及識取蘊廣說應知是名取蘊自性我物自體相分本性已說自性所以今當說問何故名取蘊取蘊是何義答此從取生復能生取故名取蘊復次此從取轉復能轉取故名取蘊復次此由取引復能引取故名取蘊復次此由取長養復能長養取故名取蘊復次此中取增廣復能增廣取故名取蘊復次此由取流派復能流派取故名取蘊復次此蘊屬取故名取蘊如臣屬王故名王臣諸有漏行都無有我設有問言汝屬於誰應正答言我屬於取復次諸取於此應生時生應住時住

應執時執故名取蘊復次諸取於此增長廣大故名取蘊復次諸取於此長養攝受故名取蘊復次諸取於此染著難捨猶如塵垢染著衣服故名取蘊復次諸取於此深生樂著如魚鼈等樂著河池故名取蘊復次此是諸取巢穴舍宅故名取蘊謂依此故貪嗔癡慢見疑纏垢皆得生長應知此中依同分取立取蘊名謂依欲界取名欲界取蘊依色界取名色界取蘊依無色界取名無色界取蘊如依三界同分取立取蘊名依九地取應知亦爾此於界地無雜亂故若於相續容有雜亂謂依自取他蘊名取蘊亦依他取

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

自蘊名取蘊若於相續無雜亂者一切外物應非取蘊以外物中無諸取故然諸外物依有情取立取蘊名互生長故問蘊與取蘊有何差別答名即差別彼名爲蘊此名取蘊復次蘊通有漏無漏取蘊惟有漏復次蘊攝三諦取蘊攝二諦復次蘊攝十七界一界少分取蘊攝十五界三界少分復次蘊攝十一處一處少分取蘊攝十處二處少分復次蘊攝五蘊取蘊攝五蘊各少分復次於蘊中有流轉者受罰責有還滅者受讚歎於取蘊中有流轉者受罰責無還滅者受讚歎蘊與取蘊是謂差別六界者謂地界水界火

界風界空界識界問何故作此論答是作論者意欲爾故謂本論師隨自意欲而作此論不違法相故不應責復次不應詰問此本論師所以者何世尊施設十八界已復於此中略出少分施設六界故此六界十八界中攝五界全四界少分五界全者謂前五識界四界少分者謂色觸意及意識界此中空界攝色界少分地水火風界攝觸界少分識界攝意界意識界少分以此二界通有漏無漏識界惟攝有漏分故由此六界十八界中攝五界全四界少分問置本論師世尊何故十八界中略出少分施設六界答觀受

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

化者所宜差別謂有所化於所知境但愚少分或有所化於所知境愚於一切愚少分者爲說六界愚一切者爲說十八界復次世尊所化有利根者有鈍根者爲利根者說六界爲鈍根者說十八界復次世尊所化有開智者有說智者爲開智者說六界爲說智者說十八界復次世尊所化有樂略者有樂廣者爲樂略者說六界爲樂廣者說十八界復次於十八界爲略現門故說六界謂十八界中有是色有非色若說前五界當知已說諸是色界若說識界當知已說諸非色界復次十八界中有有見有無見若說空界

當知已說諸有見者若說餘五界當知已說諸無見者復次十八界中有有對有無對若說前五界當知已說諸有對者若說識界當知已說諸無對者復次十八界中有相應有不相應若說識界當知已說諸相應者若說餘五界當知已說不相應者如相應不相應如是有所依無所依有所緣無所緣有行相無行相有警覺無警覺應知亦爾復次由此六界能生能養能長有情色無色身故復施設能生者謂識界能養者謂地水火風界能長者謂空界復次由此六界能引能持能增有情色無色身故復施設能引者

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

謂識界能持者謂地水火風界能增者謂空界復次
由此六界是根本有情事是徧行有情事是無始有
情事是無分別有分別有情事故復施設根本有情
事者謂欲色界受生有情從結生心乃至死有無此
六界無勢用時徧行有情事者謂欲色界一切有情
從結生心乃至死有無此六界不增上時無始有情
事者謂不可知本際已來諸有情類從結生心乃至
死有無此六界不作用時無分別有分別有情事者
謂有有情未可分別是男是女如羯刺藍頰部曇閉
尸犍南位如是六界亦有勢用或有有情已可分別

是男是女鉢羅奢佉等位如是六界亦有勢用尊者
妙音作如是說由此六界得入母胎勢用增上故徧
施設由如是等種種因緣故佛世尊於十八界略出
少分施設如是六界差別問地界云何答堅性雖此
地界總是堅性而此堅性差別無邊謂內外分堅性
各異內分中堅性者謂髮毛爪齒塵垢皮肉筋骨脉
心脾腎肝肺脾肚腸糞生藏熟藏手足肢節如是等
中所有堅性此諸堅性有勝有劣謂足堅性勝手堅
性若諸有情少時手行手皮血肉卽便壞盡若以足
行盡衆同分足皮血肉都無損壞由此故知內分堅

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

性有勝有劣外分中堅性者謂地山礫石甃瓦草木
螺蚌蠚蛤銅鐵金銀白鐵鉛錫末尼真珠珊瑚琥珀
珂貝璧玉帝青大青末羅羯多杵藏石藏颯頗胝迦
及紅玻瓈吠瑠璃等所有堅性此內外分種種堅性
以相同故略爲一聚總名地界問水界云何答濕性
雖此水界總是濕性而此濕性差別無邊謂內外分
濕性各異內分中濕性者謂淚汗涕唾肪膏髓腦涎
膽痰飲膿血尿等所有濕性外分中濕性者謂江河
池沼泉井溝渠四大海等所有濕性此內外分種種
濕性以相同故略爲一聚總名水界問火界云何答
煖性雖此火界總是煖性而此煖性差別無邊謂內
外分煖性各異內分中煖性者謂身中熱等熱偏熱
由此所飲所食所噉皆易消融今身安隱此若增時
便成熟病外分中煖性者謂炬燈燭陶竈爐等火聚
炎燄燒諸城村山林曠野及諸藥草日輪末尼天龍
宮殿所出光燄并地獄等諸火煖性應作是說內火
煖性熱於外火所以者何若以飲食置金鑊中下然
熾火經一日夜猶不能令形色變易如在腹中經須
臾頃此內外分種種煖性以相同故略爲一聚總名
火界問風界云何答輕等動性雖此風界總是動性

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

而此動性差別無邊謂內外分動性各異內分中動性者謂有上行風有下行風有住脅風有住腹風有住背風有如鍼風有如刀風有華鉢羅風有婆呪瑟恥羅風有婆呪窯拉摩風有入息風有出息風有隨身分肢節行風所有動性外分中動性者謂有四方風或有塵風或無塵風或毗濕縛風或吠嵐婆風或小風或大風或風輪風等所有動性此內外分種種動性以相同故略爲一聚總名風界問空界云何答如契經說有眼穴空有耳穴空有鼻穴空有面門空有咽喉空有心中空有心邊空有通飲食處空有貯

飲食處空有棄飲食處空有諸肢節毛孔等空是名空界阿毗達磨作如是說云何空界謂隣礙色礙謂積聚卽牆壁等有色近此名隣礙色如牆壁間空叢林間空樹葉間空窓牖間空往來處空指間等空是名空界有作是說此文應言云何空界謂隣難除色然色有二種一者易除謂有情數二者難除謂無情數此空界色多近非情牆壁樹等而施設故名隣難除色舊對法者及此國師俱說空界處處皆有謂骨肉筋脈皮血身分晝夜明暗形顯等處皆有此色問緣空界色眼識生不有說緣此眼識不生謂空界色

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

雖眼識境而此眼識畢竟不生復有說者緣空界色
眼識亦生間若爾何故見不明了答此空界色畫爲
明所覆夜爲暗所覆故眼雖見而不明了問虛空空
界有何差別答虛空非色空界是色虛空無見空界
有見虛空無對空界有對虛空無漏空界有漏虛空
無爲空界有爲問若此虛空是無爲者契經所說當
云何通如契經說世尊以手摩捫虛空告苾芻衆豈
佛以手摩捫無爲而告弟子答彼於空界說虛空聲
非謂虛空手可摩捫餘經亦說佛告苾芻若有畫師
或彼弟子持諸彩色來作是言我不能彩畫虛空作種

種文像有是事不苾芻曰佛無有是事彼亦於空界
說虛空聲又伽他說

獸歸林藪

鳥歸虛空

聖歸涅槃

法歸分別

彼亦於空界說虛空聲復有頌言

虛空無鳥跡

外道無沙門

愚夫樂戲論

如來則無有

彼亦於空界說虛空聲有餘經說鳥步虛空跡難可
現亦不可尋彼亦於空界說虛空聲有處問虛空而
答以空界如品類足作如是言云何虛空謂有虛空

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無障無礙色於中行周遍增長問何故問虛空而答以空界答虛空微細難可顯說空界相麤易可開示以麤顯細故作是說問以何緣故知有虛空尊者世友作如是說以佛說故知有虛空謂契經中佛處處說虛空虛空故知實有問爲但信教知有虛空爲此虛空亦現量得答亦現量得若無虛空一切有物應無容處旣有容受諸有物處知有虛空復作是說以有往來聚集處故知有虛空若無彼因彼亦不有言彼因者卽是虛空虛空是彼容受因故復作是說容有礙物知有虛空若無虛空應無容處復作是說若

無虛空應一切處皆有障礙旣現見有無障礙處故知虛空決定實有無障礙相是虛空故大德說曰虛空不可知非所知事故所知事者色非色性虛空與彼俱不相應所知事者謂此彼性虛空與彼俱不相應此虛空名但是世間分別假立評曰應作是說實有虛空非彼不知卽謂非有由前敎理實有虛空問若爾虛空有何作用答虛空無爲無有作用然此能與種種空界作近增上緣彼種種空界能與種種大種作近增上緣彼種種大種能與有對造色等作近增上緣彼有對造色能與心心所法作近增上緣若

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無虛空如是展轉因果次第皆不成立勿有此失是故虛空體相實有不應撥無問識界云何答五識身及有漏意識問何故無漏識不立識界耶答與識界相不相應故若法能長養諸有攝益諸有任持諸有者立六界中無漏意識能損減諸有散壞諸有破滅諸有是故不立在六界中復次若法能令諸有相續生老病死流轉不絕者立六界中無漏意識與此相違是故不立在六界中復次若法是趣苦集行亦是趣有世間生老病死集行者立六界中無漏意識與此相違是故不立在六界中復次若法是有身見事

顛倒事愛事隨眠事與貪瞋癡爲安足處有垢有青有穢有刺有過有濁墮在諸有苦集諦攝者立六界中無漏意識與此相違是故不立在六界中尊者世友作是問言此六界中何故不攝無漏意識卽自答言如是六界從諸漏生無漏意識不從漏生復作是說如是六界能生諸漏無漏意識不生諸漏復作是說如是六界是我執緣無漏意識非我執緣復作是說如是六界是有情依無漏意識非有情依復作是說如是六界是異熟依無漏意識非異熟依復作是說如是六界是入胎緣無漏意識非入胎緣復作是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

說如是六界無始來有無漏意識非無始有大德說曰如是六界是自體分無漏意識非自體分脅尊者言如是六界是生死依無漏意識非生死依由如是等種種因緣無漏意識不立識界問蘊取蘊界有何差別答名卽差別謂名爲蘊名爲取蘊名爲界故復次於有爲法施設蘊於有漏法施設取蘊於有情數法施設界復次蘊有流轉還滅作用取蘊惟有流轉作用界有結生入胎作用如是名爲蘊取蘊界三種差別有二法謂有色無色法問何故作此論答爲欲遮遣補特伽羅及爲顯示智殊勝故爲欲遮遣補特伽羅者謂顯惟有色無色法畢竟無實補特伽羅故及爲顯示智殊勝者謂有聰慧殊勝智者由此二法通達一切此二偏攝一切法故由此二緣故作斯論問有色法云何答謂十處一處少分十處者謂眼耳鼻舌身色聲香味觸處一處少分者謂法處少分問無色法云何答謂一處一處少分一處者謂意處一處少分者謂法處少分問此中何等名有色法無色法耶答若法有色名體是色者名有色法若法有非色如契經說寂靜解脫超有色法至無色法應知

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

此中有色法者卽有色定又契經說身證色定具足而住又如有言我今正受如是色受又如佛說我以如是色經典句付囑汝等應正受持如是等處雖有色名而體非色若有色名體是色者名有色法或色體有色用或色用有色體或體與相互相有故立有色名復次若法體是四大種或是四大種所造者名有色法若法體非四大種或非四大種所造者名無色法復次若法大種爲因及體是所造色者名有色法若法非大種爲因及體非所造色者名無色法復次若法可種植可增長者名有色法若法不可種植及不可增長者名無色法尊者世友作如是說有色相者名有色法何等名有色相謂有漸次積集相者名有色相復作是說若有漸次散壞相者名有色相復作是說若有形質可取相者名有色相復作是說若有方所可取相者名有色相復作是說若有大小所取相者名有色相復作是說若有障礙可取相者名有色相復作是說若有怨害可取相者名有色相復作是說若有損害可取相者名有色相復作是說若增益可取相者名有色相復次若有三種色相可得名有色相謂或有色有見有對或復有色無見有

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

對或復有色無見無對復作是說若有牽來引去相者名有色相復作是說有變礙相名有色相問若有變礙相名有色相者過去未來極微無表既無變礙應無色相若無色相體應非色答彼亦是色得色相故謂過去色雖今無變礙而曾有變礙未來色雖今無變礙而當有變礙極微一一雖無變礙而多積集卽有變礙無表白體雖無變礙而彼所依有變礙故亦名變礙所依者何謂四大種所依有變礙故無表亦可說有變礙如樹動時影亦隨動復作是說若从容受障礙相者名有色相復作是說若有大種爲因

相者名有色相復作是說無一切色同一色相所以者何眼處色相異乃至法處所攝色相異大德說曰若有能壞有對色相是有色相與前所說色相違名無色相若法有此無色相者名無色法問墮法處色何不攝在十色處中答若色可以剎那極微而分析者立十色處墮法處色雖有利那可分析義而無極微可分析義故不攝在十色處中復次若色可作五識所依及所緣者立十色處墮法處色不與五識作所依緣故不攝在十色處中復次若色有障礙可立十色處墮法處色既無障礙故不攝在十色處中

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

問爲欲界色多色界色多耶答若依處說欲界色多色界色少所以者何以欲界色攝二處全九處少分色界色惟攝九處少分若依體說色界色多欲界色少所以者何以色界身處俱廣大故謂色界身形量廣大過於欲界色界處所亦復如是施設論說如從此處至梵衆天從梵衆天至梵輔天其量亦爾廣說乃至如從此處至善見天從善見天至色究竟其量亦爾故色界色多於欲界復有二法謂有見無見法問何故作此論答爲欲遮遣補特伽羅及爲顯示智殊勝故爲欲遮遣補特伽羅者謂顯惟有有見無見

法畢竟無實補特伽羅故及爲顯示智殊勝者謂有聰慧殊勝智者由此二法通達一切此二偏攝一切法故復次爲止他宗顯正理故謂或有執一切法皆是有見如尊者妙音彼作是說一切法皆是有見慧眼境故爲止彼意顯一切法或是有見或是無見由此三緣故作斯論問有見法云何答一處謂色處問無見法云何答十一處謂餘十一處問有見無見是何義耶尊者世友作如是說能現所現及可示現在此在彼是有見義與此相違是無見義大德說曰是眼所照是眼所行是眼境界是有見義與此相違是

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

無見義脅尊者言若有影像明了可見是有見義與此相違是無見義問何故有色十一處中惟一色處說名有見答惟一色處麤顯易了廣說如前十一色內惟一色處立色處名此有見法有二十種謂長短方圓正不正高下青黃赤白影光明暗雲煙塵霧復有說此有二十一謂前二十種加空一顯色問此二十色內幾有顯無形幾有顯有形容答二十色內八有顯無形謂青黃赤白影光明暗餘十二色有顯有形有說此中應作四句或有色有顯無形謂青黃赤白影光明暗此八種色有顯可知無形可知故或有色有形無顯謂身表色此有形可知無顯可知故或有色有顯有形謂長短方圓正不正高下雲煙塵霧此十二種有顯有形而可知故或有色無顯無形謂除前相卽空界色間水鏡等中所有影像爲是實有非實有耶譬喻者說此非實有所以者何而不入鏡鏡不在面如何鏡上有面像生阿毗達磨諸論師言此是實有是眼所見眼識所緣色處攝故問面不入鏡理故彼非難如緣月光月愛珠器得有水生非不實有彼所生水有水用故如緣日光及日愛珠牛糞末

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

等而有火生非不實有彼所生火有火用故如緣鑽
燧及人功力而有火生非不實有彼所生火有火用
故如是緣水鏡等及人面等有影像生非不實有所
生影像能爲所緣生覺念故問世間所聞諸谷響等
爲是實有非實有耶譬喻者說此非實之所以者何
一切音聲刹那性故於此處生即此處滅刹那項生
自然即滅如何能至谷等生響阿毗達磨諸論師言
此是實有是耳所聞耳識所緣聲處攝故問聲刹那
生即此處滅如何能至谷等生響答生聲因緣非一
種理有多種理故彼非難如緣唇舌齶喉等相擊

出聲彼所出聲非不實有生耳識故如是緣聲及緣
谷等而有響生非不實有能爲所緣生覺念故

阿毗達磨大毗婆沙論卷第七十五

部發智

音釋

- | | | | | | |
|-----------------------|---------------------------|------------------------|------------------------|--------------------|---------------------------|
| 鼈 | <small>必列切</small> | 筋脉 | <small>筋舉欣切骨絡也</small> | 脾腎 | <small>脾頻彌切</small> |
| <small>介蟲也</small> | | <small>脉莫白切幕也</small> | <small>上藏也</small> | <small>胃</small> | |
| 時恐切 | | 肝肺 | <small>肝古寒切木藏也</small> | <small>于貴切</small> | |
| <small>水藏也</small> | | <small>肺芳廢切金藏也</small> | <small>穀府也</small> | 碑 | <small>郎擊切</small> |
| 石螺蚌 | <small>螺落戈切蚌屬蚌步項切</small> | 螺蛤 | <small>螺呼典切小蛤</small> | 羯 | <small>吉列切</small> |
| <small>也</small> | <small>也</small> | <small>蛤古答切</small> | | <small>羯</small> | |
| 肪膏 | <small>肪敷房切膏古</small> | 涎 | <small>夕連切口液也</small> | 瘞飲 | <small>瘞徒舍切病液也飲於禁</small> |
| <small>膠切並脂也</small> | | <small>也</small> | | | |
| 切革 | <small>革吉當割切</small> | 拉 | <small>簍其矩切盧合切</small> | 啖 | <small>啖符廢切</small> |
| <small>摸也</small> | <small>切</small> | <small>簍</small> | | <small>啖</small> | |
| 捫 | <small>莫奔切</small> | 拉 | <small>盧合切</small> | 嵐 | <small>嵐徐醉切</small> |
| 析 | <small>先擊切</small> | | | | |
| 分也 | | | | | |
| 鑽燧 | <small>鑽則官切燧徐醉切</small> | | | | |
| <small>切穿木取火也</small> | | | | | |
| 齒各 | | | | | |

170 1 2 3 4 5 6 7 8 9 180 1 2 3 4 5 6 7 8 9 190 1 2 3 4 5 6 7 8 9

切齒
斷也



浮渡居士吳用先施貴刻此
阿毗達磨大毗婆沙論第十五卷
一千二百十十八箇該銀三兩六錢一分
銀山釋海亮對長洲徐普書涇縣徐世繼刻

計字七

音
曆乙卯歲夏六月徑山化城識

二
廿六

170 180 190 200 210 220 230 240 250 260 270 280 290 300 310 320 330 340 350 360 370 380 390 400 410 420 430 440 450 460 470 480 490 500 510 520 530 540 550 560 570 580 590 600 610 620 630 640 650 660 670 680 690 700 710 720 730 740 750 760 770 780 790 800 810 820 830 840 850 860 870 880 890 900 910 920 930 940 950 960 970 980 990